



Fedje kommune

Møtebok for Formannskapet

Møtedato: 01.09.2020
Møtestad: Slissøyana/Skarvøyana i Fedje fleirbrukshall
Møtetid: 17:15 - 19:30

Møtedeltakarar	Parti
Stian Herøy	H
Hans Erik Waage	Ap
Kamilla Bjerkholt Karlsen	Ap
Møtedeltakarar vara	Parti
Otto-Andre Nordby	H
Silje Sulen Gullaksen	H
Forfall meldt frå følgjande medlemmar:	Parti
Bjørn Solbakk	Frp
Marit Solbakk Øien	Frp

Følgjande møtte frå administrasjonen:

Bjarte Villanger, Dagrun Gunnarson, Gjermund Hagesæter, Kim Andre Vangberg

Sakliste

Saknr	Tittel
056/20	Godkjenning av møteinnkalling og sakliste
057/20	Godkjenning av møtebok
058/20	Referatsaker
059/20	Delegerte saker
060/20	Delegerte saker teknikk og miljø
061/20	Godkjenning av årsmelding og årsrekneskap 2019
062/20	Ny legeteneste på Fedje
063/20	Personalplan for Fedje kommune
064/20	Interkommunal plan for sjøareala i Nordhordland - delegering av mynde, og val av representantar til Interkommunalt planutval for sjøareal
065/20	Revidert selskapsavtale for Bergen- og omland farvannsforvaltning
066/20	Ny gjennomgang av ungdomsrådet si samansetting
067/20	Opera på Fedje 2020 - Søknad om støtte
068/20	Søknad om støtte frå dugnadsfondet
069/20	Gebyr for utviding av fast skjenkeløyve
070/20	Tillegg til reglement for kommunestyret - om fjernmøte
071/20	Direktesending av politiske møte i Fedje kommune
072/20	Eventuelt formannskapet 01.09.20

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
056/20	Formannskapet	PS	01.09.2020

Godkjenning av møteinnkalling og sakliste

Saksutgreiing:

Forslag til vedtak:

Møteinnkalling og sakliste vert godkjent.

Formannskapet - 056/20

F - behandling:

F - vedtak:

Møteinnkalling og sakliste vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
057/20	Formannskapet	PS	01.09.2020

Godkjenning av møtebok

Vedlegg:

Protokoll - Formannskapet - 04.06.2020

Saksutgreiing:

Forslag til vedtak:

Møtebok frå sist møte vert godkjent.

Formannskapet - 057/20

F - behandling:

F - vedtak:

Møtebok frå sist møte vert godkjent.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
058/20	Formannskapet	PS	01.09.2020

Referatsaker

Underliggjande saker:

058/20.1. [BULK] 19/2507-20 Forslag til endringer i forskrift om byggesak og byggteknisk forskrift - høring

058/20.2. 19/2670-30 Høring - forslag til reviderte statlige planretningslinjer for differensiert forvaltning av strandsonen langs sjøen

058/20.3. 20/1143 Høring - forslag til forskrift om nasjonal retningslinje for helsesykepleierutdanning

058/20.4. 20/3092-1 Høring - NOU 2020: 6 - Frie og hemmelig valg - Ny valglov

058/20.5. Brev om stenging av midlertidig digital kanal for brukere av sosiale tjenester

058/20.6. Høring - Forslag om endringer i apotekforskriften

058/20.7. Høring - forslag til endringer i apotekloven § 6-6

058/20.8. Høring - forslag til endringer i valgloven, valgforskriften og forskrift om valg til Sametinget

058/20.9. Høring - forslag til midlertidig lov om endring i valgloven (elektroniske underskrifter på listeforslag)

058/20.10. Høring - Nasjonal veileder for vanedannende legemidler (19/114) - frist 18. september

058/20.11. Høring - Rettshjelpsutvalgets utredning NOU 2020:5

058/20.12. Høring av forslag om endring av lov om flagging på kommunenes offentlige bygninger

058/20.13. Høring fra Kunnskapsdepartementet

058/20.14. Høring - forslag til ny forskrift for transportordninga for funksjonshemma i Vestland

058/20.15. Høring fra Justis- og beredskapsdepartementet

058/20.16. Høring - Nasjonal fagleg retningslinje for kvalitet og kompetanse i overgrepsmottak, vår ref 20/10575

058/20.17. Høring - Ny forskrift om øvre ramme for gebyr ved lovbrøt etter naturmangfoldloven

058/20.18. Høring av forslag til regelverksendringar knytt til barn og unge med behov for samansett tenestetilbod

058/20.19. Høring av ny forskrift om økonomiforvaltninga i sokn i Den norske kyrkja

058/20.20. Høring frå Kunnskapsdepartementet

058/20.21. Høring frå Nærings- og fiskeridepartementet

058/20.22. Høring føreslag til reviderte statlege planretningsliner for differensiert forvaltning av strandsona langs sjøen.

058/20.23. Høring ny arvelov

058/20.24. Invitasjon til å kome med høyringsinnspel til planprogrammet for Regional transportplan 2022 - 2033 for Vestland

058/20.25. Oppfølging etter overdose med rus

058/20.26. Ekstern høring – Oppfølging etter rusmiddeloverdose (Rusbehandling, pakkeforløp)

058/20.27. Høring - Nasjonal veileder - Gode helse og omsorgstjenester til personer med utviklingshemming

058/20.28. Referat samarbeidsutval 20.08.20

Saksutgreiing:**Forslag til vedtak:**

Referatsaker vert tekne til orientering.

Formannskapet - 058/20**F - behandling:****F - vedtak:**

Referatsaker vert tekne til orientering. Formannskapet ber rådmannen gje innspel i høyring RS 058/20.14 der rådmannen vert bedt om å vurdere om fylkesmannen bør vere saksbehandlar.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
059/20	Formannskapet	PS	01.09.2020

Delegerte saker

Underliggjande saker:

015/20. Tildeling av kommunal bustad

Grunnlag for tildeling: Bustad- og tildelingsreglement for Fedje kommune K 056/02 og K 013/11

I tråd med Bustad- og tildelingsreglement for Fedje kommune, skal søkjarar rangerast slik:

1) Kommunalt tilsette, 2) Folketalsrekruttering/næringsliv, 3) Andre søkjarar .
Sosialkontoret kan krevje ledig bustad utanom køen om naudsynt.

Vedtak:

Astrid Øksnes Stenholt får tilbod om å leige Stormarksvegen 56 frå 01.09.2020. Standard leigekontrakt gjeld.

Astrid Øksnes Stenholt vert tildelt bustad etter rangering 1. I tildelingsreglementet.

Signert husleigekontrakt vert levert til Fedje kommune innan 17.06.2020

Fedje kommune har 2 ledige bustader etter denne tildelinga.

016/20. Svar på søknad om serveringsløyvet

Søknad frå Feddie destillery AS org.nr. 817719562, om serveringsløyvet vert innvilga. Styrar er Arild Mjelstad og avløyser er Therese Storebø. Vedtaket er gjort med heimel i Serveringslova §3 og gjeld frå vedtaksdato.

017/20. Svar på søknad om pendlartilskot
Jurgen Verhofstad får kr.7 650,- i pendlartilskot for 1.halvår 2020

018/20. Svar på søknad om pendlartilskot
Tone Hatlem får ikkje pendlartilskot, fordi ho ikkje er busatt på Fedje.

019/20. Svar på søknad om pendlartilskot
Monica Thomassen Waage får kr.7 650,- i pendlartilskot for 1.halvår 2020.

020/20. Svar på søknad om pendlartilskot
Jan Berge får kr.7 650,- i pendlartilskot for 1.halvår 2020.

021/20. Svar på søknad om pendlartilskot
Grete Algrøy Herøy får kr.3102,50 i pendlartilskot for 1.halvår 2020.

022/20. Svar på søknad om pendlartilskot
Mathias Gullaksen får kr.4 823,75 i pendlartilskot for 1.halvår 2020.

023/20. Svar på søknad om pendlartilskot
Tone Sævi får kr.4 284,- i pendlartilskot for 1.halvår 2020.

024/20. Svar på søknad om pendlartilskot
Kåre Berge får kr.4 122,50 i pendlartilskot for 1.halvår 2020.

025/20. Svar på søknad om pendlartilskot
Roy Asle Tungland får kr.5 100 i pendlartilskot for 1.halvår 2020.

026/20. Svar på søknad om utviding av det faste løyvet
Fedje Servering AS får utvida området for det faste skjenkeløyve på følgjande datoar: 11.07.2020, 18.07.2020, 01.08.2020 og 08.08.2020 i tråd med innsendt kart og presisering i saksutgreiing. Det er eit krav at skjenkeområdet ute vert tydeleg avmerka med band/blomekassar el.l., og at de tar høgde for auka behov for vakthald, både på grunn av at kaiområdet vert større og for å kunne oppretthalde smittevernreglane.

027/20. Svar på søknad om pendlartilskot
Ragnhild Gausemel Husa får kr.2 465,- i pendlartilskot for 1.halvår 2020.

028/20. Søknad om utviding av skjenkeløyve 12.08.2020

Fedje Servering AS får utvida området for det faste skjenkeløyve for Bjelland kafe til også å gjelde for puben/storsalen. Utvida løyve gjeld 12.08.2020 frå klokka 1400 til klokka 0000.

029/20. Søknad om løyve for enkelthøve skjenking av alkohol gruppe I og gruppe II

Arild Mjelstad får løyve for enkelthøve for skjenking av alkohol i gruppe I og II frå klokka 18.00 til klokka 00.00 laurdag 15.08.2020 . Løyvet skal nyttast i Pernillekafeen sine lokaler i Muren 6.

Utskenka alkohol skal vera konsumert eller dragast inn seinast klokka 00.30.

Løyvehavar og styrar for løyvet pliktar å sjå til at reglane i alkohollova og forskrifta til alkohollova vert

Fylgde, samt lokale reglar i alkoholpolitisk plan for Fedje kommune.

Kommunen har engasjert kontrollør som kan koma på vitjing for å sjå til at alkohollova sine føresegner vert fylgde.

Gebyr for løyve: 600,- kr

030/20. Svar på søknad om utvida skjenkeløyve

Saksutgreiing:

Forslag til vedtak:

Delegerte saker vert tekne til orientering.

Formannskapet - 059/20

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
060/20	Formannskapet	PS	01.09.2020

Delegerte saker teknikk og miljø

Underliggjande saker:

012/20. Løyve til å bygge avløpsanlegg på Skotholmvegen 7

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 21-4 gjer teknisk sjef følgjande vedtak :

Samnøy Maskin AS får rammeløyve og igangsettingsløyve til å byggja avløpsanlegg på gnr. 168,

bnr. 13 slik det er søkt om. Reidar og Toril Fjeld er tiltakshavar.

Alt arbeid vert godkjent som arbeid i tiltaksklasse 1.

Lovheimel : § 9-3 i byggesaksforskrifta.

013/20. Leidning for kloakk og tilknytning til offentlig kloakk Muren 5, 8, 9 og 10.

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 21-4 gjer teknisk sjef følgjande vedtak :

Samnøy Maskin AS får rammeløyve og igangsettingsløyve til å byggja avløpsanlegg på gnr. 168,

bnr. 1- 15 - 32- 348 - 529 slik det er søkt om. Roy Asle Tungland er tiltakshavar.

Alt arbeid vert godkjent som arbeid i tiltaksklasse 1.

Lovheimel : § 9-3 i byggesaksforskrifta.

Muren 5 (168/32), Muren 8 (168/71), Muren 9 (168/451) og Muren 10 (168/65) får løyve til å knyta

seg til kommunal kloakkledning på bnr. 1.

014/20. Løyve til å bygga garasje

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 29-4, tredje ledd, punkt a, gjer teknisk sjef følgjande vedtak :

Jan Gisle Uthaug får løyve til å plassera garasje 1,0 m frå eigedomsgrensa mot gnr. 172, bnr. 4/19/78.

I medhald av delegeringsreglement for Fedje kommune, sist revidert i k-sak 082/16 og § 20-4 og § 21-4 i plan- og bygningslova, gjer teknisk sjef følgjande vedtak :

Kommunen har ingen merknader til søknaden levert kommunen 16. juni 2020. Bygging av garasje på gnr. 172, bnr. 158/204, kan ta til.

Kommunen skal ha skriftleg melding når tiltaket er gjennomført. Lovheimel : § 21-10 i pbl.

Gisle Uthaug er tiltakshavar.

015/20. Løyve til å bygga tilbygg på einebustad

I medhald av delegeringsreglement for Fedje kommune, sist revidert i k-sak 082/16 og plan- og bygningslova § 21-4, gjer teknisk sjef følgjande vedtak :

Raadhus AS v/Håvard Kolbeinsvik får rammeløyve og igangsettingsløyve til å byggja tilbygg på eksisterande einebustad på gnr. 170, bnr. 54. Tore Gismervik er tiltakshavar.

Raadhus AS v/Håvard Kolbeinsvik har levert erklæringar om ansvarsrett i samsvar med § 23-3 i plan- og bygningslova.

Alt arbeid vert godkjent som arbeid i tiltaksklasse 1.

Lovheimel : § 9-3 i byggesaksforskrifta.

Tilbygget kjem 0,0 m frå eigedomsgrensa.. Fedje kommune gjev i samsvar med § 29-4, tredje ledd, punkt a, i plan- og bygningslova, løyve til plassering av 0,0 m frå eigedomsgrensa.

016/20. Løyve til deling av grunneigedom

I medhald av delegeringsreglement for Fedje kommune, sist revidert i k-sak 082/16, og plan- og bygningslova § 20-1 punkt m, § 21-4 og § 26-1 gjer teknisk sjef følgjande vedtak :

Arnold Kahrs løyve til å frådela ein parsell frå gnr. 169, bnr. 181 i samsvar med delingsplan datert 9. juni 2020. Frådelt areal er på 20 m2 og er tilleggsareal til gnr. 169, bnr. 32.

Då frådelt areal skal vera tilleggsareal til bnr. 168, bnr. 32, vil Fedje kommune krevja samanslåing av frådelt areal og bnr. 32, når frådelt parsell har fått same eigar som bnr. 32.

Lovheimel : § 21-4, 6. ledd, i plan- og bygningslova.

Løyvet gjeld i 3 år. Oppmålingsforretning må rekvirerast før løyvet går ut.

017/20. Dispensasjon frå kravet om båndtvang for hund.

I medhald av delegeringsreglement for Fedje kommune, sist revidert i k-sak 082/16 og § 9 i hundelova, gjer teknisk sjef følgjande vedtak :

Statens naturoppsyn får dispensasjon frå kravet om båndtvang i i perioden 22.07.2020 – 21.08.2020.

Saksutgreiing:

Forslag til vedtak:

Delegerte saker vert tekne til orientering.

Formannskapet - 060/20

F - behandling:

F - vedtak:

Delegerte saker vert tekne til orientering.

Samrøystes vedteke.

Sakspapir

Sakshandsamar	Arkiv	ArkivsakID
Bjarte Villanger	FE-216	20/388

Saksnr	Utval	Type	Dato
061/20	Formannskapet	PS	01.09.2020
	Kommunestyret	PS	

Godkjenning av årsmelding og årsrekneskap 2019

Vedlegg:

Årsmelding 2019 m rekneskap

Revisjonsmelding Fedje 2019

Rapport årsrekneskap Fedje

Særutskrift kontrollutvalet 2019

Saksutgreiing:

Bakgrunn

I tråd med kommunelova § 48 vert årsrekneskapen og årsmeldinga for 2019 lagt fram for formannskap og kommunestyre for godkjenning. Kommunestyret gjer sjølve vedtak i saka etter innstilling frå formannskapet.

Etter at kontrollutvalet har fått revisjonsmeldinga frå revisor, skal utvalet gje uttale om årsrekneskapen før vedtak i kommunestyret. Uttalen er retta til kommunestyret.

Vurdering

Folkehelse

Miljø

Økonomi

Konklusjon

Forslag til vedtak:

Kommunestyret godkjenner årsrekneskap og årsmelding for 2019 slik det ligg føre. Rekneskapsmessig meirforbruk vert dekkja inn av fond.

Formannskapet - 061/20

F - behandling:

F - vedtak:

Kommunestyret godkjenner årsrekneskap og årsmelding for 2019 slik det ligg føre.
Rekneskapsmessig meirforbruk vert dekkja inn av fond.

Samrøystes vedteke.

Sakspapir

Sakshandsamar	Arkiv	ArkivsakID
Kim Andre Vangberg		20/290

Saksnr	Utval	Type	Dato
062/20	Formannskapet	PS	01.09.2020
	Kommunestyret	PS	
013/20	Eldrerådet	PS	02.09.2020
022/20	Ungdomsrådet	PS	02.09.2020

Ny legeteneste på Fedje

Vedlegg:

VS: PLAN LEGETENESTA FEDJE KOMMUNE

Plan 2017-2030 Fedje legetenester

Saksutgreiing:

Bakgrunn

Bakgrunnen for saka om ny legeteneste er at dagens lege har gitt signal til kommuneleiinga om eit ønske om å gå av med pensjon. Legen har munnleg gitt beskjed om at han vil ha moglegheit til å gå av med pensjon første kvartal 2021. Legen har 3 månadar oppseiingsfrist frå kommuneoverlegestillinga, og 6 månadar oppseiing på fastlegestillinga.

I utgreiinga er det lagt vekt på å ivareta folk sin tryggleik og nærleik til legetenesta. Legetenesta er for Fedjesamfunnet ei sentral og viktig teneste i samhandling med dei andre helsetenestene. Dette skal saman verte framtidas helseteneste på Fedje.

Legeutgreiinga på Fedje er ei kompleks sak. Dette handlar om at det er mange føringar frå statleg og regionalt hald. Formålet med denne politiske saka er å opplyse saka mest og best mogleg ut frå det informasjonsgrunnlaget ein har per sumaren 2020, slik at kommunestyret har eit godt grunnlag for å avgjere kva legeteneste Fedje skal ha framover.

Det er viktig å sjå heilskapleg på helsetenestene til Fedje. Det er naudsynt i innleiinga å beskriva legetenesta i Noreg med lovens formål, for deretter å sjå nærare på nasjonale og regionale rammer/føringar. Vidare vil saka ta føre seg korleis legetenesta på Fedje er per 2020. Deretter vil ein sjå på ulike løysingar med vurdering av dei ulike alternativa for legeteneste på Fedje i framtida. Det vil til slutt føreligge ein konklusjon med forslag til vedtak frå rådmann.

Sakas utgreiing har vore å innhenta opplysningar frå korleis andre kommunar har organisert seg og utforma helsetenestene sine. Til dette arbeidet har ein fått bistand frå KS (kommunesektorens organisasjon). Administrasjonen har hatt dialog med lege og pleie- og omsorgsleiar i forkant og undervegs i arbeidet. Utkast til legesaka vart gjennomgått i eige drøftingsmøte den 30.07.2020 med legen, viktige ressurspersonar innan pleie og omsorg og øvrige helsetenester. Fedje kommune har og hatt dialog med samarbeidskommunar i Nordhordland. Det er i denne saka ikkje brukt mykje vedlegg. Difor er sjølve saksframstillinga lang. Det er også brukt fotnote i saka som skal gje god oversikt for lesar av saka.

Lover, forskrifter, avtaler og sentrale føringar:

Kommunar i Noreg har plikt til å driva eigen legeteneste som er forankra i Lov om kommunale helse- og omsorgstenester § 1-1.

Lovens formål er særlig å:

- 1. forebygge, behandle og tilrettelegge for mestring av sykdom, skade, lidelse og nedsatt funksjonsevne,*
- 2. fremme sosial trygghet, bedre levevilkårene for vanskeligstilte, bidra til likeverd og likestilling og forebygge sosiale problemer,*
- 3. sikre at den enkelte får mulighet til å leve og bo selvstendig og til å ha en aktiv og meningsfylt tilværelse i fellesskap med andre,*
- 4. sikre tjenestetilbudets kvalitet og et likeverdig tjenestetilbud,*
- 5. sikre samhandling og at tjenestetilbudet blir tilgjengelig for pasient og bruker, sikre nødvendig opplæring av pasient, bruker og pårørende, samt sikre at tilbudet er tilpasset den enkeltes behov,*
- 6. sikre at tjenestetilbudet tilrettelegges med respekt for den enkeltes integritet og verdighet og bidra til at ressursene utnyttes best mulig.*

Fedje kommune si legeteneste må organiserast i tråd med dei lovkrava som er sett. Dette vil då gjelda både dekningsgrad og organisering, inkludert korleis tenesta skal organiserast og driftast økonomisk hensiktsmessig, og at krav om fagleg forsvarlegheit vert ivaretatt. Jf. Lov om helsepersonell.

Lov om helsepersonell § 4-1. Forsvarlegheit:

Helse- og omsorgstenester som tilbys eller ytes etter lova skal være forsvarlege. Fedje kommune skal tilrettelegge tenesta slik at:

- a. Den enkelte pasient eller brukar får eit heilskapleg og koordinert helse- og omsorgstenestetilbod.*
- b. Den enkelte pasient eller brukar får eit verdig tenestetilbod.*
- c. Helse- og omsorgstenester og personell som utfører tenestene vert i stand til å overhalda sine lovpålagte plikter.*
- d. Sikre tenester med tilstrekkeleg fagkompetanse.*

Kravet om forsvarlege tenester set føringar for både innhald i tenesta og strukturelle forhold, der Fedje kommune har ei tilretteleggande rolle. Dette krev god planlegging og gode rutinar for samarbeid og koordinering.

Krav til Fedje kommune er grunngjeve i ovannemnde lovverk. Dette er nærare presisert i Fastlegeforskrifta og ny Forskrift om akuttmedisin. Her får kommunane i Noreg meir ansvar for å

sikra kompetanse hjå legevaktpersonell, og kompetansekrava er aukande. I tillegg stillar det krav om å ha utstyr som mogleggjer mellom anna overvaking av pasientar lokalt. Dette vil ha betydning både direkte og indirekte for korleis Fedje kommune innrettar tenesta og dimensjonering/tal på personell i vaktordning.

Målet med Fastlegeordninga (2001) var:

«å bedre kvaliteten i allmennlegetjenesten ved å sikre at folk som er bosatt i Norge skal kunne få en fast allmennlege å forholde seg til. Fastlegeordningen skal gi befolkningen større trygghet gjennom bedre tilgjengelighet til allmennlegetjenesten»

I samband med etablering av fastlegeordninga la Stortinget til grunn 13 hovudprinsipp. Fleire av desse er av verdi for småkommunar og utkantdistrikt. Mellom anna 3 prinsipp som nemnt nedanfor:

1. *Pasientar skal kunna velja fastlege uavhengig av kommune- og bydelsgrenser*
2. *Pasientar kan stå på liste hos enkeltleger i eigen praksis eller i gruppepraksis.*
3. *Finansiering med fordeling 30/70 – liste/refusjon.*

Målet med Akuttmedisinforskrifta er:

«sikre befolkningen likeverdig tilgang til forsvarlige tjenester når det haster pga. ulykker, skader eller akutt sykdom».

Arbeidsmiljølova gir direkte føringar for utforminga av tenesta både strukturelt og innholdsmessig. Særleg med regulering av arbeidsforhold i sektoren i denne samanheng Hovudavtalen og Særavtalen mellom KS og Dnlf (SFS 2305).

Fedje sin geografi og demografi må takast omsyn til i utgreiinga og kva som er realistiske løysingar. Det vil kunne vera utfordringar fordi Fedje er ein øy kommune i havgapet. Dette vil vera eksempelvis transportutfordringar m.m. Dette er viktige omsyn å vurdere og ta stilling til når ein skal avgjera kva legeteneste og akuttberedskap Fedje skal ha framover.

Statlege føringar:

Sentrale dokument som trekker opp utfordringsbilete og nye nasjonale strategiar for helsetenesta er i hovudsak følgjande meldingar:

1. Meld. St. nr 47 (2008-2009) Samhandlingsreformen- Rett til behandling- på rett sted – til rett tid.
2. Meld. St. nr. 29 (2012-2013) Morgendagens omsorg
3. Meldt. St. nr. 26 (2014-2015) Fremtidens primærhelsetjeneste- nærhet og helhet

Hovudtrekka frå desse tre sentrale dokumenta er at det vert lagt større vekt på samhandling både internt i kommunen, men og mellom dei forskjellige ansvarsområda i kommunen. Dette krev meir av den enkelte som arbeider i helsesektoren. Dette vil gjelde høgare krav til både organisatorisk kompetanse*og «mellomromskompetanse»** utover krava til klinisk kompetanse.***

Administrasjonen har innhenta relevant dokumentasjon frå Lurøy kommune som har omorganisert

frå den gamle distriktslegeordninga til meir teambasert fokus. Jf. Primærhelsetenestemeldinga. Lurøy kommune har føretatt ei fullstendig evaluering av si omorganisering. Bakgrunnen for omorganiseringa var at dei såg endring i brukaren sitt behov og endring i samfunnet. Dei henviste til organisasjonsforskerane Sveiby og Risling som formulerte dette slik:

«.... kunnskapsorganisasjoner som sykehus er avhengig av at fagpersonalet også tar ansvar for arbeidsorganisering; daglig drift og utvikling, fordi den pasientopplevde kvaliteten er avhengig av en slik dobbeltkompetanse» (Arne Orvik 2004)

Utviklinga i norske kommunar som kompetansebedrifter gjer at denne formuleringa har betydning for Fedje kommune som kompetanseorganisasjon i dag. Dei same krav til kompetanse blir formulert eksplisitt i Akuttmedisinforskrifta § 4 andre avsnitt:

«Virksomheter som yter akuttmedisinske tjenester skal sikre at personalet som utfører tjenestene får nødvendig opplæring og trening i å utføre egne arbeidsoppgaver og trening i samhandling og samarbeid mellom alle leddene i den akuttmedisinske kjeden.»

Dette forutsett kjennskap til helsetenesta si oppbygging og ansvarsdelinga som me har valt i det norske helsevesenet.

I primærhelsetenestemeldinga (St.meld.nr 26) er brukaren sine erfaringar løfta fram og viser eit tydeleg budskap frå brukaren om kva som er dei største utfordringane i primærhelsetenesta:

1. Kvalitet i tenestene
2. Tenester som vert opplevd som fragmentert og søyleorganisert. Manglande koordinering mellom tenestene.
3. Lite bruk av brukarinvolvering
4. Fastlegar som er for dårleg integrert i resten av den kommunale helse- og omsorgstenesta.

Med bakgrunn i dette vert det tilrådd i meldinga å etablera og utvikla eit utvida teamarbeid med bruk av komplementær kompetanse både til avlastning og komplettering av legekompentansen. Dette er nærare omtala i meldinga kapittel 13; team tilgjengelegheit, tverrfaglegheit og koordinering.

**Her brukt som kunnskap om oppbygginga av helsetenesta, f.eks. ansvarsfordeling mellom nivå, kunnskap om andre instansers kompetanse og god praksis (Arne Orvik)*

***Kunnskap om kva som manglar, f.eks. mellom to eller fleire tenester og kunnskap om korleis mellomrommet kan verte fylt*

****Fagkompetanse*

Akuttmedisin og beredskap

Akuttmedisinforskrifta § 6 omhandlar kommunen sitt ansvar for kommunal legevaktordning:

«Kommunen skal tilby legevaktordning som sikrer befolkningens behov for øyeblikkelig hjelp, og må sørge for at minst en lege er tilgjengelig for legevakt hele døgnet.(...)»

Vidare seier § 7 noko om dei nye kompetansekrava for lege i vakt. Den seier at lege kan ha legevakt åleine, utan kvalifisert bakvakt, når vilkåra i bokstav a eller b er oppfylt:

a) Legen har godkjenning som spesialist i allmennmedisin og har gjennomført kurs i volds- og overgrepshåndtering.

b) Legen har godkjenning som allmennlege etter § 3 første ledd bokstav a, jf. § 8 eller § 11 fjerde ledd, i forskrift 19. desember 2005 nr. 1653 om veiledet tjeneste for allmennleger, eller § 10 i forskrift 8. oktober 2008 nr. 1130 om autorisasjon, lisens og spesialistgodkjenning for helsepersonell med yrkeskvalifikasjoner fra andre EØS-land eller fra Sveits. Legen må ha gjennomført 40 legevakter, eller ha arbeidet ett år som allmennlege i den kommunale helse- og omsorgstjenesten. Legen må i tillegg ha gjennomført kurs i akuttmedisin og volds- og overgrepshåndtering

Kommunen plikter å etablere bakvaktordninger for leger i vakt som ikke oppfyller kravene i første ledd. Kompetansekravene i første ledd gjelder tilsvarende for leger som skal ha bakvakt. Bakvaktlege må kunne rykke ut når det er nødvendig

I same forskrift § 8 er det også krav til helsepersonell som bistår lege på vakt. Akuttmedisinforskrifta sine kompetansekrav avgrensar blant anna turnuskandidatar sine moglegheiter til å inngå fullverdig i legevaktordning.

SFS 2305 regulerer også kviletid i dei forskjellige vaktklassane.


Regionale føringar:

Det er nokre regionale føringar som gjer seg gjeldande for helsetenestene som vert levert, herunder også legetenesta. Plan for interkommunalt samarbeid innan helse- og omsorgstenester i Region Nordhordland (2014-2017) er under revidering våren 2020, etter mandat frå regionrådet og rådmannsutvalet. Denne planen må sjåast i samanheng med vår eigen utgreiing om legetenesta på Fedje. Bakgrunn for den interkommunale planen tok utgangspunkt i samhandlingsreforma. Føremålet var å bidra til å styrkja det interkommunale helse- og omsorgsarbeidet i region Nordhordland innanfor prioriterte innsatsområde. Dette innebar å sjå på ulike innsatsområde med perspektiv om å sikra berekraftige og framtidsretta helse- og omsorgstenester der endring og utvikling er sentrale drivarar. Under revidering vil ein på ny sjå på kva innsatsområde som framover er naudsynt å samarbeide om.

Det føreligg tenesteavtalar mellom kommunane og helseføretaket. Desse tenesteavtalane er vedteken av kommunestyret i kvar einskild kommune. Tenesteavtalane finn ein på <https://saman.no/samarbeidsavtalar/tenesteavtalar>.

Demografi på Fedje:

Folketalet på Fedje er per 1.kvartal 2020 548 innbyggjarar.



Det vart i 2019 fødd 4 born, medan det døydd 6 personar. Netto flytting hadde ein fråflytting på 12 personar i 2019. Prognoser frå SSB på befolkningsutviklinga framover viser nedgang i folketalet. Den viser også nedgang i barnetal framover. Prognoser er høgst usikkert i små kommunar. Men ein må leggja til grunn det faktum at Fedje har hatt jamn nedgang i folketal sidan 60-70 talet og prognosane på framleis nedgang er derfor ikkje usannsynlege. Det vil vere viktig for Fedje med gode tiltak for å sikre befolkningsvekst framover. Her vil gode kommunale tenester og ei positiv utvikling når det gjeld arbeidsplassar vere viktige forutsetningar.

Det er på Fedje som i mange andre kommunar utfordring til den demografiske samansetninga. Dette gjeld og i åra framover. Prognosane syner at delen som er over 67 år vil auke dei neste 10-15 åra. Aldersgruppa over 80 år vil ligga stabilt framover, men vil få ein auke frå ca. 2025 og framover. Snittalder på Fedje vil auke frå ca. 40 år til ca. 55 år innan 2045.

Kort om legetenesta på Fedje:

Fedje kommune har hatt ei stabil legeteneste i lengre tid. Ein har ein lege som har jobba på Fedje i snart 40 år. Legen har då dekkja kommunen sitt behov for legeteneste. Kommunen har eigen legevaktteneste, men har også avtale med Nordhordland legevakt. Legen er tilsett i Fedje kommune med totalt 21 timar per veke. Desse timane fordelar seg på kommuneoverlege, lege i skule- og helsestasjonstenesta og sjukeheim/heimesjukepleie. I det kurative arbeidet er legen sjølvstendig næringsdrivande. Legen på Fedje er i prinsippet på døgnkontinuerleg vakt når han er på Fedje eller nær Fedje. Nordhordland legevakt tek over beredskapen etter melding frå legen på Fedje.

Dekningsgrad:


KOSTRA:	Fedje	Kostragruppe 5	Leka	Lurøy	Solund
Legeårsverk per 10 000 innbyggjarar, kommunehelsetenesta	20,1	16,9	15,9	18,0	12,5

Det er viktig at framtidig legeteneste vert sett i samanheng med andre helsetenester jf. Primærhelsetenestemeldinga. Fedje kommune med sine 548 innbyggjarar har høg dekning av legeteneste samanlikna med andre kommunar. Til orientering har Solund kommune 790 innbyggjarar,

Leka kommune 561 innbyggjarar og Lurøy kommune har 1 884 innbyggjarar. Kostragruppe 5 som Fedje tilhøyrer er også lågare enn Fedje i legedekning. Både Solund, Lurøy og Leka har fordelt si legeteneste på fleire legar. Kva modell dei har for sine legetenester er ikkje tatt med i utgreiinga.

KOSTRA:	Fedje	Kostragruppe 5	Leka	Lurøy	Solund
Fastlegekonsultasjonar per person i pasientens bostedskommune	3,16	2,66	2,29	2,28	1,85

SSB opererer med kostratal på antal fastlegekonsultasjonar per person. Landsgjennomsnittet i Noreg er på 2,7 konsultasjonar per innbyggjar. Fedje sine innbyggjarar går meir til fastlege enn landsgjennomsnittet i 2019, og meir enn i samanliknbare kommunar og i kostragruppe 5. Solund har færre legeårsverk per 10 000 innbyggjarar, men har også langt lågare tal konsultasjonar i snitt for sine innbyggjarar. Det kan vere fleire årsaker til kostratala for Fedje og dei samanliknbare kommunane. Ei hypotese er at det har vore låg terskel for å gå til lege og god tilgjengelegheit. Legen på Fedje har hatt stort fokus på førebyggjande arbeid, både primær- og sekundærførebyggjande arbeid. Fedje kommune har henta frå Kommunedata nokre prognosar for framtidige behov.



Tabell: <https://www.regjeringen.no/no/tema/kommuner-og-regioner/kommunedata/tjenestebehov2/id2507961/>

Ut frå desse prognosane vil det verte viktig å oppretthalde dagens helse- og omsorgstenester framover. Det vil vera viktig å gjera kontinuerleg vurdering av tenestebehovet innan helse- og omsorgstenesta.

KOSTRA:	Fedje	Kostragruppe 5	Leka	Lurøy	Solund
Legetimar per veke per bebuar i sjukeheim	0,34	0,49	0,00	0,42	0,27

Sjukeheimen har 12 plassar og 2 omsorgsbustadar. Legetimar per veke per bebuar på sjukeheim har auka dei siste ti åra. Ser ein historisk på det har ein frå 2008 auka frå 0,16 timar per bebuar til 0,34 timar per bebuar på sjukeheimen. Talet bebuarar i 2008 var 19 stk. Kostratalet seier legetimar per veke, per plass ein har på sjukeheimen. På Fedje har me 12 plassar. Det vil seie at har me fleire

pasientar, vil ikkje kostratalet vera reelt med praksis.

Legevakt:

Legen på Fedje er i prinsippet på døgnkontinuerleg vakt når han er på Fedje eller nær Fedje. Nordhordland legevakt tek over beredskapen etter melding frå legen på Fedje. Det føreligger ikkje aktivitetstal for lokal legevakt når legen er døgnkontinuerleg vakt på Fedje. Nedanfor ser ein statistikk for bruk av Nordhordland legevakt dei tre siste åra.


Pasientkommune	2017	2018	2019
Austrheim	1356	1245	1308
Fedje	180	174	225
Gulen	988	816	853
Lindås	12012	11633	11600
Masfjorden	794	734	758
Meland	4675	4895	4570
Modalen	195	201	215
Osterøy	3091	2984	3059
Radøy	2899	2704	2696
Bergen	1573	1593	1760
Ukjent/Øvrige kommuner	3237	3075	2790
Totalt	31000	30054	29834

Når det gjeld legevakt framover, er det viktig å følgja akuttmedisinforskrifta § 6 som omhandlar kommunen sitt ansvar for kommunal legevaktordning.

Kostnadsbilete for Fedje si legeteneste

Kostnadsoversikt for legetenesta på Fedje i perioden 2013-2019:

År	2013	2014	2015	2016	2017	2018	2019
Lønn, tilskot, honorar og sos.omk.	2 416 288	2 710 632	2 510 576	2 767 832	2 827 731	3 015 075	3 518 992
Legevakt utan om Fedje	553 486	705 405	799 611	886 708	1 003 927	1 116 498	1 201 952
Alt anna	180 190	173 228	35 429	117 627	145 451	150 831	171 732
SUM	3 149 964	3 589 265	3 345 616	3 772 167	3 977 109	4 282 404	4 892 676



Kommunen sine kostnader til legetenesta utgjør for året 2019 3,56 % av kommunen sitt rekneskap. Totalt visar rekneskapen at den totale legeteneste på Fedje kosta kr 4 892 676,- . Det har gradvis vore ein auke i kostnader til legeteneste på Fedje i perioden 2013-2019.

Fastlege på Fedje:

Fastlegen på Fedje har per 01.06.2020 437 innbyggjarar på sin fastlegeliste. Dette utgjør 80 % av Fedje sin befolkning. Det vil sei at 20 % av Fedje sin befolkning har anna fastlege.

Fastlegen er som nemnt i saksframlegget i dag sjølvstendig næringsdrivande i det kurative arbeidet som fastlege. Det vil sei at legen sine inntekter i hovudsak kjem frå:

- Basistilskot
- Betalingar frå pasientar
- Refusjon frå Rikstrygdeverket.

Utgifter til kontor, medisinsk utstyr, forbruksvarer og hjelpepersonell til legkontoret er i utgangspunktet legen sitt ansvar, og kommunen skal i utgangspunktet ikkje dekke desse utgiftene.

Kommuneoverlege/samfunnsmedisin på Fedje:

Kommuneoverlege er kommunen sin medisinskfaglege rådgjevar, og er spesialist i samfunnsmedisin eller under spesialisering. Kommuneoverlegefunksjonane sine hovudoppgåver er medisinskfagleg rådgjeving ovanfor kommunen sine leiarar på fleire nivå, samhandling med eksterne aktørar, beredskapsarbeid, folkehelsearbeid, smittevern, miljøretta helsevern, kvalitetsarbeid, oppfølging og medisinskfagleg leiing av fastlegeordninga og legetenesta, plan- og utviklingsoppgåver og sakshandsaming.

Kommuneoverlegefunksjonen er lokal helsemyndigheit etter lovverk innan smittevern, miljøretta helsevern og psykisk helsevernlov. Folkehelselova seier at kommunen skal ha naudsynt samfunnsmedisinsk kompetanse for å ivareta oppgåver etter denne.

I henhold til ny avtale for legen frå 2019 jobbar legen 14 timar som kommuneoverlege, 2 timar i skole- og helsestasjon, 4 timar på sjukeheimen og 1 time kurs/møte relevant for sjukeheimen.

Kommuneoverlegefunksjonen er utbetalt som fastlønn. I 2019 kosta denne funksjonen Fedje kommune kr. 934 023,-. I tillegg kjem arbeidsgjevaravgift, pensjonskostnader, sosiale kostnader, m.m.

Beredskap på Fedje

Legen har hatt legevaktberedskap lokalt på Fedje. I 2019 kosta lokal legevakt på Fedje kr 1 358 539 (inkl. pensjon og arbeidsgjevaravgift). I tillegg har me Nordhordland legevakt som kosta kr 862 000,- i 2019. Total kostnad for legevakt vert kr 2 220 539,-. I tillegg til dette kjem kostnader på kr 228 000,- til kommunale ØHD senger* som ein har eit interkommunalt samarbeid om. Kommunale ØHD senger er under evaluering for Nordhordland med bakgrunn i ein stor evalueringsrapport frå 2018 utført av Norce. I tillegg betaler vi for legevaktsentralen nr 116 117.

Nordhordland legevakt hadde 225 henvendingar i 2019 frå Fedje. Dette utgjør ein kostnad på kr 3

831,- per henvending. I 2018 var kostnaden for kvar henvending endå høgare.

**ØHD = LOVGRUNNLAGET: Kommunen sitt ansvar for tilbod om døgnopphold for helse- og omsorgstenester til pasientar og brukarar med behov for øyeblikkeleg hjelp står i Helse- og omsorgstenestelova § 3-5, tredje ledd. Helse- og omsorgstenester som tilbys eller ytes etter lova skal vere forsvarlege jf. Helse- og omsorgstenestelova § 4.1 om forsvarlegheit.*

Kort utfordringsbilete som Fedje må ta omsyn til framover:

Utfordringsbilete er for Fedje, på lik linje med andre kommunar, knytt til at fleire oppgåver skal overførast frå spesialisthelsetenesta til den kommunale helse- og omsorgstenesta. Utfordringa knytt til dette dreiar seg om kapasitet og kompetanse. Innføringa av samhandlingsreforma krev meir utgreiing og behandling. I tillegg vil demografiske endringar føra til ein auke av eldre over 80 år framover vera med å skapa eit press på tenestene våre. Det er meir arbeidsmengde/arbeidsoppgåvene er meir kompleks enn tidlegare. Det vert generelt meir arbeid per pasient enn tidlegare.

Mange kommunar har over mange år hatt utfordringar med å sikre stabile legetenester. Det har mangla søkjarar til legestillingar. I enkelte utkantkommunar har ein dels vore utan fastlege eller berre hatt fastlege nokre månader av gongen. Det er også rekrutteringsvanskar i meir sentrale strøk. Berre 9 % av LIS1 og medisinstudentane oppgjev at dei ønskjer å verte fastlege med dagens vilkår. Dette handlar om økonomisk utryggleik, mangel på sosiale ordningar og høg arbeidsbelastning. (Dette kjem fram i Petter Øgård sin presentasjon på toppleiarmøte 16.01.2020) Det er viktig at ein tek høgde for rekrutteringsvanskar når ein vurderer alternativa til ny legeteneste.

Demografisk utfordring er at Statistisk Sentralbyrå (SSB) i sine prognosar for Fedje visar eit jamt fall i folketalet framover, samstundes som det blir fleire eldre. Det er eit viktig politisk mål å auke folketalet på Fedje.

Kostnadar er alltid ei utfordring for ein kommune. Fedje har få innbyggjarar, som betyr at kostnadane fordelt på kvar innbyggjar vert langt høgare enn i ein storkommune. Dette ser vi for alle dei kommunale tenestene, men mest tydeleg og mest uttalt for helsetenester (legetenester, fysioterapi, helsestasjon) og kommuneadministrasjon. Det vil vere viktig å sjå på kva kostnadsramme ein skal leggje seg på når det gjeld legetenesta framover.

Legen har i eigen rapport som vart kjent for kommunestyret i 2017 gjort ei grundig utgreiing, der han har gjort greie for og opplyst godt for lovverk, rammer, nasjonale og regionale føringar som regulerer legetenesta. Kommunestyret tok denne rapporten til orientering i 2017. Rapporten er lagt ved som vedlegg til saka.

Vurdering av ny framtidig legeteneste på Fedje

Fastlege – fast tilsett eller sjølvstendig næringsdrivande:

Det er vanskar knytt til rekruttering av fastlege i kommune-Noreg. KS visar til at av legestudentar i dag er 60/70 % av dei kvinner, og kvinner vil framover utgjera ein stadig større del. Det er ein relativ lav del av desse som søker seg til allmennlegetillingar i distrikta. På toppleiarmøte i Vestland den 16.januar i 2020 presenterte Petter Øgård kva for driftsform som vert føretrukke av medisinstudentar og LIS-1 legar, dersom dei skal jobbe som fastlegar. I sin presentasjon viste han til at det var ulike interesser blant yngre legar/legestudentar og erfarne legar på kva driftsform som ein ville føretrække. Det kan leggst til grunn at eldre og yngre fastlegar har til dels motstridande interesser. Det er difor krevjande verkemiddel som gir ein riktig balanse mellom dei ulike behov.

Unge legar er opptekne av trygge økonomiske rammer, sosiale rettar, ei meir regulert arbeidstid og eit godt fagleg miljø. Nyetablerte legar ønskjer ikkje å måtte kjøpe seg inn i ein legepraksis og å ha eit usikkert inntektsgrunnlag i ei oppstartsfase. Tilbod om fast lønn og eit strukturert utdanningsprogram kan være eit godt rekrutteringstiltak. Dersom ein lege kjøper legepraksisen vil det kunne vere fordelar med at det er høg sannsynlegheit for stabilitet framover.

Fedje kommune har innhenta opplysningar frå omliggande kommunar på kva slags driftsform dei har for sine legetenester. Det har vorte innhenta informasjon om driftsform gjennom samtalar med Modalen, Masfjorden, Gulen og Austrheim. Samtlege av dei andre kommunane i regionen har faste tilsette legar i kommunen, med ein som innehar kombinert stilling som fastlege og kommuneoverlege. Alver kommune har både kommunalt tilsette legar og sjølvstendig næringsdrivande legar.

Fedje kommune ønskjer ein legeteneste som er berekraftig på sikt og som medfører at også unge legar og nyutdanna legar ønskjer å verte lege her.

Fastlege på Fedje skal dekkja ei liste på mellom 430-550 innbyggjarar og kommuneoverlegefunksjon. Kommuneoverlegefunksjonen kan delast i fem delar framover: Smittevern, miljøretta helsevern, medisinskfagleg rådgjeving, helsemessig og sosial beredskap, og legeundersøkingar/tilsyn sjukeheim og helsestasjonsarbeid.

Legeteneste og korleis denne skal utformast i framtida vil handle om rekruttering.

Administrasjonen vurderer at det er fleire styrker med å ha ein fast tilsett fastlege/kommuneoverlege i kommunen. Det kan opne for eit breiare søkargrunnlag, jf. undersøkinga om driftsform, og gjennom samfunnsendringa med at fleire ønsker seg meir stabil og forutsigbar kvardag med fastlønn. Det kan og tenkast at ein får gode effektar internt av at lege er fast tilsett i kommunen. Dette med betre samhandling og å sjå på moglegheit for primærhelseteam framover. Dette er noko av dei tilbakemeldingane som har kome frå dei andre kommunane i Nordhordland. Det må gjerast nærare utgreiing knytt til det økonomiske aspektet på denne driftsforma. Dette betyr at kommunen er ansvarleg for drift av legekontor m.m. På den andre sida kan det være ein stabiliserande faktor dersom ein får ein lege til å kjøpe legepraksisen som i dag eksisterer. Det er dog knytt usikkerheit til om det er realistisk å få seld denne praksisen.

Administrasjonen vurderer at det er fleire vegval. Det eine valet er at kommunen tek over drift av legekontoret og tilsett lege på fastlønn. Det andre valet er å framleis ha lege som er sjølvstendig næringsdrivande på Fedje.

Administrasjonen har i utgreiinga sett på ulike alternativ for ny legeteneste på Fedje.

- A. Kommunale legar og kommunal legevakt
- B. Kommunale legar og kommunal legevakt i samarbeid med Nordhordland legevakt
- C. Kommunale legar og kommunal legevakt i samarbeid med Austrheim kommune
- D. Kommunale legar og legevakt i samarbeid med Austrheim kommune

E. Kommunal legesamarbeid med Austrheim kommune og Nordhordland legevakt

F. Kommunal lege og Nordhordland legevakt, utan legevakt på Fedje

Alternativa kan sjåast i samanheng med kvarandre og kombinerast. Det viktige her er at Fedje vel den modellen som vil tena vår kommune best innanfor kva som er mogeleg å få til. Ein må i denne prosessen ta høgde for at ny legeteneste kanskje til ein viss grad også må tilpassast potensielle søkjarar.

Legeteneste kostar og beredskap kostar mykje per innbyggjar. Kvart av alternativa førar med seg store kostnader. Administrasjonen har ikkje eksakte estimat på kostnadsbilete. Ein kan likevel gjera nokre antagelser på kostnader. Ein kan anta at alternativ D) og F) er minst kostnadskrevjande medan den mest kostbare modellen vil ein anta er alternativ B).

Både Austrheim og Fedje kommune har store kostnader til legevakt i Nordhordland. Austrheim kommune har ikkje eigen legevakt. Austrheim kommune betaler 2,4 millionar for å være tilknytt Nordhordland legevakt. Austrheim kommune har per første kvartal 2020 2 882 innbyggjarar. Fedje kommune har lokal legevakt og Nordhordland legevakt og betaler berre ca. kr 180 000 mindre enn Austrheim kommune for legevakt.

Det fins ikkje noko objektivt fasitsvar på kva alternativ ein bør velja. I samband med saksutgreinga er det blitt avholdt møte mellom anna med lege og pleie- og omsorgsleiar. På bakgrunn av innspela som er kome fram i denne dialogen og ut frå ei heilskapleg vurdering er innstillinga i denne saka at Alternativ A), kommunale legar og kommunal legevakt, er sett opp som første prioritet. Alternativ A) vil sikra at våre ressursar vert nytta på Fedje, men vil også gjera oss sårbare dersom lege/legar sluttar brått og flyttar frå Fedje fordi ein då ikkje har noko legevaktsamarbeid med andre. Sidan dette alternativet betyr at Fedje kommune har eigen lege på vakt 24/7, vil den fordel den utgjer, etter rådmannen si vurdering, bety meir enn den aucte sårbaheten dette utgjer. Dersom dette alternativet vert vald som førsteprioritet er det likevel ein liten usikkerhet om ein greier å finna dei rette kandidatane. Det er det imidlertid berre framtida som kan gje eit svar på.

Konklusjon

Det er nokre sentrale spørsmål som det må gjerast ei vurdering av:

1. Skal ein velja kommunal drift for legetenesta eller skal fastlege framover vere sjølvstendig næringsdrivande?

Rådmannen legg til grunn i si vurdering at det er ulike retningar for legetenesta framover. Ein må no peika ut retning og alternativ i rangert rekkefølje og så vil den vidare prosessen syna kva som er mogeleg å få til. Dersom ein skal velja kommunal drift av legetenesta vil det truleg vera mest hensiktsmessig for Fedje kommune å gå i forhandlingar om å kjøpa eksisterande legepraksis. Sidan dette dette ikkje ligg inne i budsjettet 2020 må eit eventuelt kjøp leggast fram for Fedje kommunestyre for endeleg vedtak.

2. Beredskap/legevakt – Skal Fedje kommune ha eigen legevakt? Skal me ha dagens ordning

med eigen legevakt og Nordhordland legevakt? Skal ein sei opp avtalen med Nordhordland legevakt? Skal Fedje kommune berre ha Nordhordland legevakt ?

Det er eit år oppseiing på Nordhordland legevakt. Oppseiing går frå år til år. Det vil seie at Fedje kommune har ein tidsfrist til å lande ny vaktberedskap innan 2020 slik at ein kan seie opp Nordhordland legevakt innan årsslutt. Om ikkje, vil me verta tilknytt Nordhordland legevakt også i 2022.

3. Handlingsrom til å lysa ut etter lege under utgreiinga

Fedje kommune har ikkje fått skriftleg oppseiing frå legen. Han har 3 og 6 månaders oppseiingsfrist jf. nemnt tidlegare i saksutgreiinga. Det er viktig at ein kan lysa raskt ut etter lege ved oppseiing på grunn av tidsperspektivet. Søkjargrunnlaget vil igjen avgjera kva som er mogeleg å få til.

Forslag til vedtak:

1.Fedje kommune har følgjande mål for legetenesta på Fedje:

a.Alle kommunen sine innbyggjarar skal ha tilgang på gode allmennlegetenester, tilpassa sitt behov.

b.Kommunen skal ha ei berekraftig legevakt, som ivaretek god kvalitet, forsvarleg arbeidsbelastning og hensiktsmessig organisering.

c.Kommunen må ha gode rutinar for samarbeid med legetenesta og kontinuerleg forbetringsarbeid innan helsetenestene med kvalitetsarbeid og internkontrollarbeid.

d.Kommunen skal legge til grunn primærhelsetenestemeldinga og sjå på helsetenestene som heilskap slik at legetenesta vert ein integrert del av helsetenesta på Fedje.

e.Uavhengig av val av organisering av ny legeteneste skal den evaluerast innan to år etter oppstart.

2.Fedje kommune arbeider med å få på plass ny legeteneste ut frå følgjande alternativ i prioritert rekkefølge:

A.Kommunale legar og kommunal legevakt.

B.Kommunale legar og kommunal legevakt i samarbeid med Nordhordland legevakt.

C.Kommunale legar og kommunal legevakt i samarbeid med Austrheim kommune.

D.Kommunale legar og legevakt i samarbeid med Austrheim kommune.

E.Kommunal legesamarbeid med Austrheim kommune og Nordhordland legevakt.

F.Kommunal lege og Nordhordland legevakt, utan legevakt på Fedje

3.Rådmannen vert beden om å starte prosessen for å få på plass ny legeteneste i tråd med vedtekne prioriteringar. Før tilsetjing vert gjort vert saka lagt fram for formannskapet og kommunestyret for

endeleg vedtak.

Formannskapet - 062/20

F - behandling:

Endringsforslag punkt 2, foreslått av Kamilla Bjerkholt Karlsen, Arbeiderpartiet

2.Fedje kommune arbeider med å få på plass ny legeteneste ut frå følgjande alternativ i prioritert rekkefølge:

F.Kommunal lege og Nordhordland legevakt, utan legevakt på Fedje

D.Kommunale legar og legevakt i samarbeid med Austrheim kommune.

C.Kommunale legar og kommunal legevakt i samarbeid med Austrheim kommune.

A.Kommunale legar og kommunal legevakt.

B.Kommunale legar og kommunal legevakt i samarbeid med Nordhordland legevakt.

E.Kommunal legesamarbeid med Austrheim kommune og Nordhordland legevakt.

Vedtaksframlegga vart sett opp mot kvarandre. Rådmannen sitt framlegg vart vedteke med 3 mot 2 røyster. Hans Erik Waage (Ap) og Kamilla Karlsen (Ap) røysta for sitt alternative framlegg.

F - vedtak:

1.Fedje kommune har følgjande mål for legetenesta på Fedje:

a.Alle kommunen sine innbyggjarar skal ha tilgang på gode allmennlegetenester, tilpassa sitt behov.

b.Kommunen skal ha ei berekraftig legevakt, som ivaretek god kvalitet, forsvarleg arbeidsbelastning og hensiktsmessig organisering.

c.Kommunen må ha gode rutinar for samarbeid med legetenesta og kontinuerleg forbetningsarbeid innan helsetenestene med kvalitetsarbeid og internkontrollarbeid.

d.Kommunen skal legge til grunn primærhelsetenestemeldinga og sjå på helsetenestene som heilskap slik at legetenesta vert ein integrert del av helsetenesta på Fedje.

e.Uavhengig av val av organisering av ny legeteneste skal den evaluerast innan to år etter oppstart.

2.Fedje kommune arbeider med å få på plass ny legeteneste ut frå følgjande alternativ i prioritert rekkefølge:

A.Kommunale legar og kommunal legevakt.

B.Kommunale legar og kommunal legevakt i samarbeid med Nordhordland legevakt.

C.Kommunale legar og kommunal legevakt i samarbeid med Austrheim kommune.

D.Kommunale legar og legevakt i samarbeid med Austrheim kommune.

E.Kommunal legesamarbeid med Austrheim kommune og Nordhordland legevakt.

F.Kommunal lege og Nordhordland legevakt, utan legevakt på Fedje

3.Rådmannen vert beden om å starte prosessen for å få på plass ny legeteneste i tråd med vedtekne prioriteringar. Før tilsetting vert gjort vert saka lagt fram for formannskapet og kommunestyret for endeleg vedtak.

Vedteke med 3 mot 2 røyster. Hans Erik Waage (Ap) og Kamilla Karlsen (Ap) røysta for sitt alternative framlegg.

Sakspapir

Sakshandsamar	Arkiv	ArkivsakID
Dagrun Gunnarson	FE-400	20/123

Saksnr	Utval	Type	Dato
063/20	Formannskapet	PS	01.09.2020
	Kommunestyret	PS	

Personalplan for Fedje kommune Rullering av plan 2020

Vedlegg:

Personalplan for Fedje kommune

Referat frå drøftingsmøte 13.08.20

Personalplan for Fedje kommune

Innspill til personalplanen fra Utdanningsforbundet Fedje

Innspel til personalplanen frå Fagforbundet

Saksutgreiing:

Oppsummering av saka

Personalplan for Fedje kommune vert lagt fram for revisjon. Det er naudsynt fordi kommunelova vart endra frå oktober 2019. Rådmannen føreslår ei hovudendring av planen: Oppdeling i to delar - del 1 arbeidsgjevarpolitikk og del 2 personalreglement.

Bakgrunn

Personalplan for Fedje kommune vart oppretta for første gong i 2001. Det er eit samla dokument som famnar mange planar og reglement i andre kommunar, som arbeidsgjevarpolitisk plattform, lønnspolitiske retningslinjer, personalreglement, etisk regelverk med meir. Målet då den vart oppretta var å samle all lokal personalpolitikk og retningslinjer i eit felles dokument som vart nytta i det daglege, i staden for fem planar som ikkje var i bruk. Personalplanen er no i dagleg bruk hjå personalsjefen, og jamleg hjå alle personalleiarar. Personalplanen er ein del av den enkelte tilsette sin arbeidsavtale med Fedje kommune.

Planen skal opp til rullering kvart fjerde år, midt i ein valperiode. Med skiftande lov og avtaleverk, og utviklinga av arbeidsrett og arbeidsgjevarpolitiske plattformer, har me likevel hatt behov for å oppdatere planen oftare. Planen har vore til politisk behandling i 2007, 2012, 2014, 2015, 2016 og 2019.

I denne runden har prosessen vore følgjande:

«Høyring»/innspelsrunde med hovudtillitsvalde, verneombod, bedriftshelseteneste og personalleiarar via e-post	Første runde haust 2019 Andre runde februar 2020 med frist 01.03.20
Innarbeiding av forslag, innhenting av råd KS og andre kommunar mm	
Gjennomgang med personalleiarar i møte	08.05.20 og 12.05.20
Drøfting med hovudtillitsvalde i møte	15.05.20
Frist for å kome med innspel som skal følgje saka frå hovudtillitsvalde	20.05.20
Behandling i partssamansett utval. Saka vart sendt attende til ny drøfting mellom HTV og rådmannen	04.06.20
Drøftingsmøte HTV/rådmann	13.08.20
Behandling i partssamansett utval.	01.09.20
Behandling i kommunestyret	09.09.20
Spere budskapet i organisasjonen	Informasjon ut til alle einingar. Personalsjef besøker personalmøte i løpet av hausten.

Det er særleg følgjande formulering i den nye kommunelova som gjer at det er naudsynt med endring av Personalplanen ut over det som vart gjort i 2019:

§ 13-1. Kommunedirektør. Myndighet og oppgaver

(...)Kommunedirektøren har det løpende personalansvaret for den enkelte, inkludert ansettelse, oppsigelse, suspensjon, avskjed og andre tjenstlige reaksjoner, hvis ikke noe annet er fastsatt i lov.

Oppramsinga av kva som ligg under kommunedirektøren (rådmannen) er eksempel, og ikkje uttømmende. Det viser ordet «inkludert». På denne lenka gjev KS (kommunesektorens organisasjon) opplæring om fordelinga av arbeidsgjevaransvaret etter denne nye paragrafen (15 minutt): <https://www.youtube.com/watch?v=ZExw8lsJQyg&feature=youtu.be>

Oppsummert seier KS at det som er politikk ligg til kommunestyret, medan det som er administrasjon skal ligge til kommunedirektør (rådmann). I tillegg kan kommunestyret delegere meir til kommunedirektøren, om dei ønskjer det. KS anbefaler at kommunestyret vurderer vidare delegering, ut over denne paragrafen, for å gje det naudsynte spelerom for å leie administrasjonen av kommunen.

I Fedje kommune har det vore skiftande kor mykje av det utøvande arbeidsgjevaransvaret som har vore delegert til rådmannen. I dagens delegeringsreglement (sist revidert i 2016) er det meste på personalområdet delegert til rådmannen. Unntaka er

- * personalplan/overordna retningslinjer på personalområdet
 - * tilsetjing/oppseiing av rådmann
 - * tiltak som medfører pengebruk over budsjett (fleire stillingar, auka rammer lønnsforhandlingar).
- Desse sakene ligg i dag til kommunestyret eller formannskapet. Delegeringsreglementet skal reviderast innan 31.12.20 (kommunelova § 5-14).

Vurdering

Deling av personalplanen i 2 delar:

I tråd med ny kommunelov og dagens delegeringsreglement føreslår rådmannen å dele personalplanen i to delar. Del 1 Arbeidsgjevarpolitikk vert vurdert som overordna retningslinjer på personalområdet, og lagt fram til politisk behandling. Del 1 Arbeidsgjevarpolitikk seier både noko om kva verdiar Fedje kommune skal leggje til grunn og styrke som arbeidsgjevar, kva mål me har for arbeidspolitikken og kva overordna tiltak me skal nytte for å nå dei måla. Ein kan diskutere om sjølve tiltaka høyrer til overordna retningslinjer eller løpande personalansvar, men sidan dei er såpass generelle, har me har vald å ta det med i den overordna delen. Då er det også rom for kommunestyret å leggje inn konkrete tiltak, om dei ønskjer det.

Del 2 Personalreglement vert vurdert som ein del av det løpande personalansvaret, og vert difor føreslått lagt til rådmannen etter drøfting med dei hovudtillitsvalde. Del 2 Personalreglement seier noko om Fedje kommune si praktisering av personalpolitikken innafor det rammeverket som lov, sentralt avtaleverk og den lokale arbeidsgjevarpolitikken (del 1) gjev. Eit eksempel kan vere ferie: Ferie er regulert nøye i ferieloven og i hovudtariffavtalen – men vår lokale regel om at me hovudsakleg ikkje betalar ut avtalefesta ferie, står i personalreglementdelen.

Etter ny drøfting med dei tillitsvalde 13.08.20 (sjå vedlagt referat frå drøftingsmøtet), føreslår rådmannen også å flytte følgjande punkt frå del 2 til den overordna del 1:

- Følgje av barn
- Gåver
- Lønnspolitiske retningslinjer
- Nedbemanningskriterium
- Pensjonsordning for kommunalt tilsette

Desse punkta skal i så fall til politisk behandling i partssamansett utval og kommunestyre, saman med resten av del 1: Arbeidsgjevarpolitikk.

Rådmannen er samd i at lønnspolitiske retningslinjer og pensjonsordning er overordna retningslinjer. Her vil det ligge prinsipielle avgjerder, og punkta gjev overordna rammer for rådmannen sin styringsrett ut over det som ligg i lov og avtaleverk.

Rådmannen meiner det kan diskuterast om følgje av born og gåver er overordna retningslinjer. Dei tillitsvalde sitt argument er at reglane og praktiseringa har store økonomiske konsekvensar på grunn av at Fedje ligg her me ligg, og at me er så små. Rådmannen meiner dette vanlegvis er noko som ligg under løpande arbeidsgjevaransvar, men har ikkje noko i mot at det vert behandla politisk.

Når det gjeld nedbemanningskriterium, er det ikkje semje. Dei tillitsvalde (etter rådgjeving med sine sentralledd) meiner at dette er overordna retningslinjer som set rammeverk for korleis nedbemanningsprosessar skal skje. Rådmannen meiner at det skal vere drøftingar om nedbemanningskriterium i kvar konkret nedbemanningsprosess (etter rådgjeving frå KS medlemsservice). Slik kriteria er utforma no er dei ikkje berre overordna, men går inn konkrete vurderingar som kva stillingar som skal gå først, kva som er verksemdsområdet og prosedyren for nedbemanning. Eit sentralt spørsmål viss dette vert lagt til overordna retningslinjer, er om dei

tillitsvalde skal drøfte med kommunestyret i ein konkret nedbemanningsprosess. Rådmannen er i tvil om ein slik prosess er i tråd med lov, avtaleverk og rettspraksis (då særleg Hovudavtalen del B § 1-4-1 og § 3-1 og ein artikkel frå KS advokatane 01.01.20 om «Halden»-dommen som gjeld masseoppseiing, men som gjev ei god rettsleg tolking av prosedyrekrava ved ein kvar kommunal nedbemanning: <https://www.kf-infoserie.no/a/h/931fe8f5-8cdf-47ab-a8fb-9e8dba6f8e66/237872?ticketId=21cf1208-613a-46a4-9d92-e2913c9f9e69>)

Rådmannen oppfattar likevel at tinginga frå formannskapet i sist behandling var at rådmann og hovudtillitsvalde skulle verte samde om delinga av planen. Om me gjennomfører delinga av personalplanen på denne måten, er det semje med alle hovudtillitsvalde (Fagforbundet, Utdanningsforbundet, Delta og Sjukepleiarforbundet) om todeling av planen, der del 1 vert vedteke av kommunestyret etter innstilling frå partssamansett utval. Del 2 ligg under det løpande personalansvaret til rådmannen, og kan drøftast fortløpande av arbeidsgjevar og arbeidstakarorganisasjonane.

Innhaldet i personalplanen:

Når det gjeld innhaldet i del 1 Arbeidsgjevarpolitikk, er det semje mellom partane. E-læring har kome inn som nytt tiltak, og nokre tiltak er teke vekk. Oppsummeringa av rollene i arbeidsgjevarpolitikken tydeleggjer dei nye rollene/ansvara i tråd med ny kommunelov, og det er lagt til ein referanse til Hovudavtalen del B § 4 under partssamansett utval.

Kommunen har eit godt og jamleg samarbeid med dei hovudtillitsvalde. Samarbeidsordningane er beskrive i «Oppsummering av tillitsvaldordninga i Fedje kommune 2017», som er eit vedlegg til personalreglementet (del 2). I drøftinga av del 2 var det semje om dei fleste punkt. Diskusjonane gjaldt hovudsakleg punkta følgje av barn til tannlege, betaling av tenestereiser og velferdspemisjonar. Del 2 personalreglement ligg ved saka til informasjon.

Andre vurderingar:

Folkehelse – eit godt samarbeid og arbeidsmiljø er viktig for folkehelsa hjå Fedje sin største arbeidsgjevar.

Miljø – ikkje aktuelt

Økonomi – revisjonen av personalplan for Fedje kommune inneber ingen auka utgifter så langt me kan sjå i dag

Konklusjon

Verdiane, måla og tiltaka i personalplanen vert i all hovudsak vidareført. Det er semje mellom partane om innhaldet og oppdelinga i overordna og løpande del. Rådmannen er i tvil om det å plassere nedbemanningskriterium (slik dei no er formulert) i overordna del er i tråd med lov og rettspraksis, men vel å innstille i tråd med formannskapet si tinging i sak 051/20. I tråd med ny kommunelov vert del 1 Arbeidsgjevarpolitikk med dette lagt fram til politisk behandling. Del 2 Personalreglement vert lagt fram til orientering.

Forslag til vedtak:

Personalplan for Fedje kommune del 1 Arbeidsgjevarpolitikk vert vedteke slik den ligg føre, inkludert punkta følgje av born, gåver, nedbemanningskriterium, lønnspolitiske retningslinjer og

pensjonsordning for kommunalt tilsette. Del 2 Personalreglement ligg til rådmannen, jf. kommunelova §13-1.

Formannskapet - 063/20

F - behandling:

Yaroslav Borisov (HTV Utdanningforbundet) og Elin Solbakk (HTV Fagforbundet) trådde inn i møtet, slik at det var partssamansett utval som behandla saka.

F - vedtak:

Personalplan for Fedje kommune del 1 Arbeidsgjevarpolitikk vert vedteke slik den ligg føre, inkludert punkta følgje av born, gåver, nedbemanningskriterium, lønnspolitiske retningslinjer og pensjonsordning for kommunalt tilsette. Del 2 Personalreglement ligg til rådmannen, jf. kommunelova §13-1.

Samrøystes vedteke.

Sakspapir

Sakshandsamar	Arkiv	ArkivsakID
Jan Torry Sande	FE-026	20/314

Saksnr	Utval	Type	Dato
064/20	Formannskapet	PS	01.09.2020
	Kommunestyret	PS	

Interkommunal plan for sjøareala i Nordhordland - delegering av mynde, og val av representantar til Interkommunalt planutval for sjøareal

Vedlegg:

Forprosjekt - interkommunal plan for sjøareal i Nordhordland

Saksutgreiing:

Bakgrunn

Det er mange ulike interesser knytt til bruken av sjøareala, og det er behov for å sjå på forvaltninga på tvers av kommunegrensene. Regionrådet har difor starta arbeidet med ein interkommunal plan for sjøareala i Nordhordland. I «Nasjonale forventningar til regional og kommunal planlegging 2019-2023» er det uttrykt at kommunane i større grad må sjå på forvaltninga av sjøareala på tvers av kommunegrensene. Desse forventningane har Fylkesmannen følgd opp ved å løyve midlar til dette prosjektet. Felles interkommunalt planarbeid med sjøareal er gjort andre stadar i landet, mellom anna i Troms, og ein har sett på korleis arbeidet der har vore organisert der. Planen er å organisere dette som eit interkommunalt samarbeid slik plan og bygningslova gir heimel for i § 9. Dette er gjort med godt resultat i Troms, og forslaget er å følgje om lag same modell. Interkommunal plan for sjøareal består av enkeltplanar (frå kvar kommune som deltek), men det er gjort samla vurderingar.

Eit slikt samarbeid legg til grunn at deltakande kommunar delegerer planmynde til eit interkommunalt planutval (IKPU/planutvalet) med ein representant med vara per kommune. Jf. [§§ 9-2 og 9-3](#). Det interkommunale planutvalet får ansvar for planstart, utarbeida og fastsetja felles planprogram og plan. Planutvalet har vidare ansvar for offentleg ettersyn, merknadshandsaming og innstilling til dei respektive kommunestyra. I dei kommunane som har eige planutval er det naturleg at den som er leiar i planutvalet vert valt og at nestleiar vert vara. Det endelege planvedtaket skal gjerast i kvar enkelt kommune, og berre for eige planområde. Det endelege produktet er mange enkeltplanar laga over same mal med ein samla vurdering og utgreiing.

Kvar einskild kommune må ha planprosessar for sine areal som om det var ein eigen planprosess. IKPU har ansvaret for å sjå desse enkeltplanane i samanheng, og å syte for heilskapen i den regionale planen. I dialogen og høyring med næring og regionale mynde så vert det samordna av IKPU. Erfaringar frå andre interkommunale prosjekt viser at denne modellen er mest effektivt med tanke på å leia fram til ein endeleg plan. For å lukkast må det vere god lokal forankring. Det er lagt føringar for korleis rapporteringa frå representanten i IKPU skal rapportera til politisk nivå i eigen kommune.

Organisering er skildra nærare i prosjektplanen.

Tidsplan

Dei deltakande kommunane må først gjera vedtak om deltaking og utnemna medlemmar til

interkommunalt planutval i løpet av tidleg haust 2020. Utarbeiding av planprogram kan gjerast i løpet av hausten 2020. Planprogrammet vert sendt på høyring 2020/2021 saman med melding av planoppstart.

Første del vil vera prega av arbeid med å få inn innspel frå innspelgrupper, næringsaktørar og innbyggjarane våre. Det er forventa at prosjektet kan presentere det som er kome inn av innspel i løpet av hausten 2021. Bearbeiding av innspel, konsekvensutgreiing og utforming av første forslag til plan vil prega første halvår av 2022. Det er forventa at første forslag til plan kan leggest ut på høyring hausten 2022, og at endeleg forslag til plan kan sendast kommunane i løpet av våren 2023.

Vurdering

Fedje kommune har ein unik posisjon ved si geografiske plassering, og vil i difor ha økonomiske og økologiske fordelar av å bli vurdert i ein større samanheng.

Folkehelse: Som øykommune er me avhengig av rein sjø, og ein fornuftig bruk av sjøen, for å sikre gode kår for helsa til innbyggjarane.

Miljø: Bruken av sjøareale i ein kommune påverkar sjøareale i annan kommune. Å sjå bruken av sjøareala i ein samanheng vil gjere det lettare: å unngå næring i pressområde, å sikre artsmangfald for heile regionen og å gjere det mogeleg å gjennomføre nødvendige tiltak.

Økonomi: Prosjektet si finansiering vert eit spleiselag mellom kommunane og Fylkesmannen.

Fylkesmannen har løyvd skjønnsmidlar til prosjektet og det er planlagd ein ny søknad i 2021 til fylkesmannen og det vil også bli vurdert å søkje midlar andre stader. Dersom søknadane ikkje slår til, er det rekna med ein direkte kostnad samla for alle kommunane på 3,2 mill. kr i løpet av 4 år.

Konklusjon

Rådmannen rår kommunestyret å bli med i den interkommunale planen for sjøareal og velje medlem med vara til interkommunalt planutval for sjøareal i Nordhordland (IKPU).

Forslag til vedtak:

1. Fedje kommune sluttar seg til det interkommunale plansamarbeidet om sjøareala i Nordhordland, med forslag til organisering, som beskrive i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i samsvar med plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil då ha mynde til å varsle planoppstart, vedta planprogram og gjennomføre planprosessen frem til politisk behandling i kommunestyret i Fedje kommune.
3. Fedje kommunestyre vedtek at IKPU består av ein representant med vara frå kvar medverkande kommune.
4. Fedje kommune vel Jan Torry Sande til medlem med Øyvind Tolleshaug som varamedlem til IKPU. Utvalet konstituerer seg sjølv i første møte.

Formannskapet - 064/20

F - behandling:

F - vedtak:

1. Fedje kommune sluttar seg til det interkommunale plansamarbeidet om sjøareala i Nordhordland, med forslag til organisering, som beskrive i forprosjektet «Interkommunal plan for sjøareala i Nordhordland» datert 05.06.2020.
2. Planmynde vert delegert i samsvar med plan- og bygningsloven §§ 9-1, 9-2 og 9-3, til interkommunalt planutval for sjøareal i Nordhordland (IKPU). Dette utvalet vil då ha mynde til å varsle planoppstart, vedta planprogram og gjennomføre planprosessen frem til politisk behandling i kommunestyret i Fedje kommune.
3. Fedje kommunestyre vedtek at IKPU består av ein representant med vara frå kvar medverkande kommune.
4. Fedje kommune vel Jan Torry Sande til medlem med Øyvind Tolleshaug som varamedlem til IKPU. Utvalet konstituerer seg sjølv i første møte.

Samrøystes vedteke.

Sakspapir

Sakshandsamar	Arkiv	ArkivsakID
Jan Torry Sande	FE-026, FA-P00	20/291

Saksnr	Utval	Type	Dato
065/20	Formannskapet	PS	01.09.2020
	Kommunestyret	PS	

Revidert selskapsavtale for Bergen- og omland farvannsforvaltning

Vedlegg:

Selskapsavtale for Bergen Havn Farvannsforvaltning IKS - sporbare endringer .PDF

Selskapsavtale for Bergen Havn Farvannsforvaltning - renskrevet versjon.PDF

Saksutgreiing:

Bakgrunn

Bergen og omland Farvannsforvaltning IKS vart stifta den 12.april 2019. Selskapet skal utføre lovpålagte oppgåver og utøve forvaltningsmynde etter hamne- og farvasslova. Dette inneber mellom anna å sørge for tryggleik og framkomelegheit i kommunen sine sjøområde. Fedje kommune eig 1% av selskapet.

Som følge av gjennomførte kommunesamanslåingar i selskapet sine eigarkommunar, samt ny hamne- og farvasslov som tredde i kraft 01.01.2020, er det nødvendig at selskapsavtalen for Bergen- og Omland Farvannsforvaltning IKS vert revidert.

Styret i Bergen- og Omland Farvannsforvaltning IKS vedtok i møte den 21.april 2020 å revidere gjeldande selskapsavtale.

Vurdering

Selskapsnamn

Det vert føreslått å endre selskapsnamnet til «Bergen Havn Farvannsforvaltning IKS (Bergen Havn)» i selskapsavtalen §1. I all dagleg kommunikasjon vert «Bergen havn» nytta som namn på selskapet, domene for selskapet si heimeside og andre digitale plattformer. «Bergen Havn» har ein naturleg versjon på engelsk: «Port of Bergen». «Bergen havn» samsvarar med det uformelle selskapsnamnet som vert nytta i det daglege, og framstår som meir samlande/inkluderande enn dagens «Bergen og Omland Havn/Farvannsforvaltning». Det er strategisk viktig at selskapet ønskjer å reindyrke merkevara «Bergen Havn»

Det er og praktisk å endre namn for å unngå forveksling med Bergen og Omland Friluftsråd (BOF).

Det er for øvrig ingen samanlignbare interkommunale selskap, eller samarbeidsrelasjonar, som brukar tilsvarende namn. Dømer på dette er Visit Bergen, Bergensalliansen og Bergen Næringsråd.

Eigarnamn og eigardel

Oppdatert oversyn over selskapet sine eigarkommunar, samt oppdatert prosentvis eigardel i selskapet i samsvar med kommunesamanslåing i selskapsavtalen §4.

Stemmerett, krav til deltaking og krav til fleirtal i representantskapet

Framlagte endringar av selskapsavtalen, i samsvar med med IKS-lova §4. tredje ledd, vert vedteke av representantskapet med tilslutning frå meir enn to tredjedelar av stemmene som er representert. Dette slik at fleirtalskravet for endringar i selskapsavtalen for BF IKS som vert vedteken av representantskapet samsvarer med fleirtalskravet for vedtektsendringar i Bergen Havn AS som vert vedtekne av generalforsamlinga.

Vidare vert bestemmelsen om at for dei enkelte deltakarane er kravet at kommunestyra sjølv vedtek slike endringar i selskapsavtalen §6, teke med.

Samansetting av styret

Som følge av kommunesamanslåing, og difor ferre eigarar, er det naudsynt å justere samansettinga av selskapet sitt styre. Styret skal spegle kommunegruppene i selskapsavtalens §7.

Administrasjonens funksjon som sekretariat

Det vert foreslått å ta med ei føresegn om administrasjonens funksjon som sekretariat selskapsavtalen §8. Det er naudsynt å synleggjere administrasjonen sekretariatfunksjon i eigarprosessar, til dømes arbeidet med selskapsavtalen. Styret og eigarane kan nytte administrasjonen hjå «Bergen og omland Farvannsforvaltning IKS» som sekretariat i sitt arbeid.

Signatur

Det vert framnlagt forslag om å fjerne dagleg leiars blankofullmakt i selskapsavtalens signaturbestemmelse i §9.

Til informasjon sit ordførar Stian Herøy som representant i hamnestyret, og varaordførar Bjørn Solbakk sit som vara. I hamnerådet er Frode Hjønnvåg Fedje kommune sin representant, og Hans Erik Waage sit som vara.

Konklusjon

Regionen og omlandet er viktigare enn nokon gong for «Bergen Havn». Selskapet skal utføre lovpålagte oppgåver og utøve forvaltningsmynde etter hamne- og farvasslova. Eit godt samarbeid og samvirke i regionen vil vere avgjerande for auka sjøtransport og aktivitet, noko som sjølv sagt får konsekvensar for Fedje kommune. Det er viktig at samarbeidsavtalen er oppdatert med omsyn til kommunesamanslåing. Sakshandsamar kan vanskeleg sjå at endringane skissert under punktet «Vurdering» kan medføre store negative konsekvensar for Fedje kommune.

Vedlegg:

1. Utkastforslag til revidert selskapsavtale for Bergen Havn Farvannsforvaltning IKS – sporbare endringar
2. Utkastforslag til revidert selskapsavtale for Bergen Havn Farvannsforvaltning IKS - renskrevet versjon

Forslag til vedtak:

I samsvar med lov om interkommunale selskap av 29.01.1999 nr 6. § 4. sluttar Fedje kommune seg til utkast til revidert selskapsavtale for Bergen og Omland Farvannsforvaltning IKS, og instiller for representantskapet å godkjenne forslaget.

Formannskapet - 065/20**F - behandling:****F - vedtak:**

I samsvar med lov om interkommunale selskap av 29.01.1999 nr 6. § 4. sluttar Fedje kommune seg til utkast til revidert selskapsavtale for Bergen og Omland Farvannsforvaltning IKS, og innstiller for representantskapet å godkjenne forslaget.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-080	19/419

Saksnr	Utval	Type	Dato
066/20	Formannskapet	PS	01.09.2020
	Kommunestyret	PS	
021/20	Ungdomsrådet	PS	02.09.2020

Ny gjennomgang av ungdomsrådet si samansetting

Vedlegg:

Gjennomgang av tidlegare val til ungdomsråd og varaer til kontrollutvalet

Val av representantar til råd og utval for kommunestyreperioden 2019-2023

Nemdenemd 2019

Vedtekter frå 260412

Saksutgreiing:

Bakgrunn

Etter initiativ frå kontrollutvalet i møte 19.11.19 , vedtok kommunestyret følgjande i sak 040/20 i juni 2020:

Ungdomsråd:

Kommunestyret ynskjer ei sak på dette med ungdomsråd som tek opp i seg merknadane frå kontrollutvalet og merknader frå ungdomsrådet sjølv. Kommunestyret ynskjer ei sak på dette til kommunestyret i september.

Den delen av vedtaket som gjaldt ungdomsrådet i sak 075/19 Val av representantar til råd og utval for kommunestyreperioden 2019-2023, var følgjande:

Ungdomsråd Kommunestyret sin representant + vara:

Representant Otto Nordby

Vara Kristin Aase

Leiar: Frida Herøy (vald for 1 år)

Nestleiar:

Maren Gullaksen Tungland (vald for 1 år)

Ståle Opsahl (vald for 2 år)

Amalie Henden Kleppe (vald for 2 år)

Marius Waage (vald for 1 år)

Hanne Leah Rognsvåg (vald for 1 år) (elevrådsleiar)

Ungdomsrådet får løyve til å spørje ein frå Austrheim Vidaregåande om å supplere ungdomsrådet.

Det som gjeld val i vedtektene til ungdomsrådet, vedteke i kommunestyret i sak 025/12, er følgjande:

§ 2.1. Funksjonstid

Representantane vert valde for 2 år. For å sikra kontinuitet i ungdomsrådet står 1 og 2 representantar

på val annakvart år. Den til ein kvar tid sitjande elevrådsleiar ved Fedje skule skal alltid vera representert i ungdomsrådet i kraft av sitt verv. Ein kommunestyrerepresentant vert oppnemnd i kommunestyret i byrjinga av kommunestyreperioden og sit i ungdomsrådet ut perioden (normalt 4 år).

§ 2.2. Samansetjing

Ungdomsrådet skal ha 5 medlemmar. Vanleg fordeling: 1 frå kommunestyret, elevrådsleiar Fedje skule, 1 elev frå AVS, 2 fritt valde ungdommar. Det vert vald vara for alle representantane. Fedje kommune stiller med sekretær for rådet.

§ 2.3. Val av nytt ungdomsråd

Nytt ungdomsråd skal veljast i byrjinga av skuleåret. Sitjande ungdomsråd innstiller kandidatar til valet av nytt ungdomsråd. Nytt ungdomsråd vert oppnemnd av kommunestyret.

§ 2.4. Konstituering

Ungdomsrådet konstituerer seg sjølv, og vel leiar og nestleiar. Vala gjeld for eitt år.

Ungdomsrådet har ikkje klart å supplere med eit medlem frå Austrheim vidaregåande skule i løpet av skuleåret 19/20, og har difor i praksis hatt 7 medlemmar.

Ungdomsrådet har ikkje levert nokon innstilling til nyval i sitt siste møte før sommaren 08.06.20. Men dei har vedteke at dei skal ha møte 2.september, og at dei ønskjer opplæring som ungdomsråd.

Vurdering

Kommunestyret valde i sak 075/19 eit ungdomsråd med 8 medlemmar og berre vara for kommunestyrerepresentanten. I følgje vedtektene skal det vere totalt 5 medlemmar i ungdomsrådet inkludert kommunestyrerepresentanten, og alle skal ha vara. Det er mogleg bakgrunnen var at ungdomsrådet ønskte å vere arrangør av ulike ungdomsarrangement, og difor trengte å vere fleire i rådet. Eg har ikkje funne noko skriftleg på at dette var bakgrunnen. Talet på medlemmar er likevel i strid med vedtektene (§2.2), og kommunestyret skal heller ikkje velje leiar og nestleiar (§ 2.4).

Me får ikkje gjort noko med året som har gått, men kommunestyret skal velje nytt ungdomsråd i haust. Rådmannen føreslår då ein av to framgangsmåtar:

1. I valet for skuleåret 20/21 sørgjer ein for at Ungdomsrådet vert samansett i tråd med vedtektene. Det kan t.d. gjerast slik: Opsahl og Henden er valde for 2 år og held fram i Ungdomsrådet. I tillegg skal elevrådsleiar inn, og kommunestyret kan velje eit medlem til frå Austrheim Vidaregåande for 2 år i noverande møte. Det er avhengig av at noverande ungdomsråd kjem med ei innstilling til kandidat frå Austrheim Vidaregåande Skule samt varaer for alle medlemmane i Ungdomsrådet, slik at me følgjer vedtektene for innstilling.
2. Kommunestyret ber om å få ei sak på revidering av vedtektene til Ungdomsrådet og gjer nyval etter at vedtektene er reviderte. Det kan då ta noko tid å få nytt ungdomsråd i funksjon. Kommunestyret må i så fall avgjere om sittande ungdomsråd skal behandle saka og gje råd til kommunestyret.

Sittande ungdomsråd har avtalt møte 02.09.20. Saka vert saka til dei for behandling. Uttale vil då kome etter formannskapet si innstilling til kommunestyret. Dei kan då gje råd om kva kva løysing dei meiner er best, og innstille kandidatar til kommunestyret si utpeiking av ungdomsråd.

Rådmannen rår også formannskapet eller kommunestyret til å velje ein folkevald som tar ansvar for å gje ungdomsrådet opplæring i rettar, plikter og prosedyrar.

Folkehelse – ikkje aktuelt

Miljø – ikkje aktuelt

Økonomi – ingen større økonomiske konsekvensar

Konklusjon

Alle val til råd og utval ligg til politisk handsaming utan innstilling frå rådmannen.

Forslag til vedtak:

Ingen framlegg til vedtak.

Formannskapet - 066/20

F - behandling:

Felles endringsframlegg:

Formannskapet føreslår å nytte alternativ 1, og avventer vidare innspel frå ungdomsrådet.

Formannskapet ber nemndenemnda sjå på saka.

F - vedtak:

Formannskapet føreslår å nytte alternativ 1, og avventer vidare innspel frå ungdomsrådet.

Formannskapet ber nemndenemnda sjå på saka.

Samrøystes vedteke.

Sakspapir

Sakshandsamar	Arkiv	ArkivsakID
Gjermund Hagesæter		20/384

Saksnr	Utval	Type	Dato
067/20	Formannskapet	PS	01.09.2020

Opera på Fedje 2020 - Søknad om støtte

Vedlegg:
Støtte til Opera

Saksutgreiing:

Bakgrunn

12. september 2020 ønsker Bergen Nasjonale Opera å gjennomføra eit tilsvarende program som i 2019, med både korkonsert, Opera og krabbefest.

Som sist blir det workshop fredag kveld og laudag formiddag med kormester Håkon Matti Skrede. I tillegg til kora på Fedje, og alle andre som ønsker å bli med å synge, er planen å få med eg sangarar frå Bergen.

Korkonsert i kirka kl. 14, og krabbefest og opera på FAB 8 kl. 19.

Til disse prosjekta søker dei om kr 20 000,- i støtte til reise og opphold for sangarar, pianist og kormester, workshop samt gjennomføring av operakonsertane.

Vurdering

Det er svært positivt at Bergen Nasjonale Opera er ivrig på å knyta band til Fedje, og like positivt at publikum har slutta opp. Når dei no knyter til seg dei mange korsongarane på Fedje, er det til nytte og glede for kormiljøet og korpublikum.

Folkehelse: Positivt

Miljø:

Økonomi: Til å leva med

Konklusjon

Rådmannen tilrår at formannskapet løyver 20 000 kroner til Bergen Nasjonale Opera under føresetnad av at det skisserte programmet vert gjennomført. Det er sete av 35 000 kroner i budsjettet som formannskapet kan tildela denne type initiativ/arrangement. Det er ikkje nytta noko av desse midlane så langt i år.

Forslag til vedtak:

Fedje kommune løyver 20 000 kroner til Bergen Nasjonale Opera under føresetnad av at det skisserte programmet vert gjennomført. Inndekking: Teneste 1003 Rådvelde formannskapet, Konto 14700 Overføring/tilskot til private. Utbetaling vert gjort etter avtale med

rådmannen.

Formannskapet - 067/20

F - behandling:

F - vedtak:

Fedje kommune løyver 20 000 kroner til Bergen Nasjonale Opera under føresetnad av at det skisserte programmet vert gjennomført. Inndekking: Teneste 1003 Rådvelde formannskapet, Konto 14700 Overføring/tilskot til private. Utbetaling vert gjort etter avtale med rådmannen.

Samrøystes vedteke.

Sakspapir

Sakshandsamar	Arkiv	ArkivsakID
Signe Råheim		20/253

Saksnr	Utval	Type	Dato
068/20	Formannskapet	PS	01.09.2020

Søknad om støtte frå dugnadsfondet

Vedlegg:

Søknad om støtte frå dugnadsfondet

Søknad om støtte frå dugnadsfondet

Saksutgreiing:

Bakgrunn

Kommunestyret oppretta eit dugnadsfond i budsjettet 2020 på kroner 50 000. Det har kome inn to nye søknadar til fondet.

Vedtaket (K 097/19) var slik:

(...)DUGNADSFOND Det vert oppretta eit dugnadsfond på kr.50 000,-. Dekning/finansiering er reduksjon av overføring til investering. Tildelingar vert avgjort av formannskapet etter søknad. Ein skal informere om fondet på heimesida til Fedje kommune. Ein kan dele ut midlar til eldsjelar, grupper, lag som ynskjer å oppgradere eller restaurere nærmiljøanlegg, tursti, leikeplassar, og anna. Arbeidet skal vere dugnadsbasert medan fondet vert nytta til å dekke materialutgifter. Det vert i 2020 sett av 50 000,-, og eventuelt unytta midlar vert overført til 2021. (...)

Det er brukt 15 000,- av desse 50 000,- på dugnadsfondet så langt i 2020.

Vurdering

Kommunestyret ønskte at denne vurderinga skal ligge direkte til formannskapet.

Konklusjon

Ingen framlegg til vedtak frå rådmannen.

Forslag til vedtak:

Ingen framlegg til vedtak frå rådmannen

Formannskapet - 068/20

F - behandling:

068/20.1, foreslått av Kamilla Bjerkholt Karlsen, Arbeiderpartiet

Takk for henvendelsen på om det er mogleg å søke om støtte frå dugnadsfondet. Skriv gjerne en

søknad til oss der du oppgjer kva du har tenkt å bruke midlane på, kva for kostnader du har og kor mykje du søker.

Det er 15 000 kr att i dugnadsfondet 2020.

Kamilla Karlsen (Ap) bad formannskapet om å vurdere hennar habilitet sidan ho er gift med Martin Karlsen som har skrive under søknaden frå Fedje idrettslaget. Formannskapet vedtok at ho er ugild etter forvaltningslova § 6 2.ledd. Gidske Borge stilte som vara i behandlinga av søknaden frå Fedje idrettslag.

F - vedtak:

Søknad frå Tore Frugård, 068/20.1

Takk for henvendelsen på om det er mogleg å søke om støtte frå dugnadsfondet. Skriv gjerne en søknad til oss der du oppgjer kva du har tenkt å bruke midlane på, kva for kostnader du har og kor mykje du søker. Det er 15 000 kr att i dugnadsfondet 2020.

Søknad frå Fedje idrettslag, 068/20.2:

Fedje idrettslag får tildelt kr 20 000,- frå dugnadsfondet til dugnaden det er søkt om. Utbetaling vert gjort etter avtale med rådmannen.

Samrøystes vedteke.

Sakspapir

Sakshandsamar	Arkiv	ArkivsakID
Signe Råheim	FE-027, FA-U63	20/356

Saksnr	Utval	Type	Dato
069/20	Formannskapet	PS	01.09.2020
	Kommunestyret	PS	

Gebyr for utviding av fast skjenkeløyve

Vedlegg:

Oppdaterte retningslinjer for einskildhøve/ambulerande skjenkeløyve

Saksutgreiing:

Bakgrunn

Det vart i K-sak 032/20 vedteke å delegere utviding av einskildløyve, ambulerande og faste løyve til rådmannen. Kommunestyret vedtok ikkje noko gebyr for utviding av løyve.

Det er retningslinjer for ambulerande skjenkeløyve og løyver ved enkelthøve i Fedje kommune. Desse seier kva gebyret for einskildhøve/ambulerande løyve er. Kva ein kan ta for ambulerande løyve vert justert kvart år frå helsedirektoratet. Når det gjeld einskildløyve har prisen på 600,-kr ligge fast sidan 2016.

Vurdering

Det tek like mykje tid å handsame søknader om utviding som søknader om einskildhøve/ambulerande løyve. Difor er det riktig å ta eit gebyr for sakshandsaming av desse sakene. Det vil vere naturleg å ta same gebyr for utviding av skjenkeområde som ein tek for einskildhøve. Eit gebyr vil gjelde for søknader sendt inn etter 10.09.2020, då eit gebyr ikkje kan ha tilbakeverkande kraft.

Desse løyva skal også kontrollerast av skjenkekontrollen med jamne mellomrom. Det er Fedje kommune som betaler utgiftene skjenkekontrollørane har med å kome på kontroll på Fedje.

Konklusjon

Det tek like mykje tid å handsame søknader om utviding som søknader om einskildhøve/ambulerande løyve. Difor er det riktig å ta eit gebyr for sakshandsaming av desse sakene. Det vil vere naturleg å ta same gebyr for utviding av skjenkeområdet som ein tek for einskildhøve. Eit gebyr vil gjelde for søknader sendt inn etter 10.09.2020.

Forslag til vedtak:

Tillegg til punkt 9 i «Retningslinjer for ambulerande skjenkeløyve og løyve ved einskildhøve i Fedje kommune»: Gebyr for utviding av skjenkeområde for fast løyve, ambulerande og einskildhøve vert sett lik gebyr for einskildhøve, for tida kr 600.

Formannskapet - 069/20

F - behandling:

F - vedtak:

Tillegg til punkt 9 i «Retningslinjer for ambulerande skjenkeløyve og løyve ved einskildhøve i Fedje kommune»: Gebyr for utviding av skjenkeområde for fast løyve, ambulerande og einskildhøve vert sett lik gebyr for einskildhøve, for tida kr 600.
Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-080	19/412

Saksnr	Utval	Type	Dato
070/20	Formannskapet	PS	01.09.2020
	Kommunestyret	PS	

Tillegg til reglement for kommunestyret - om fjernmøte

Vedlegg:

Oppheving av mellombels forskrift om gjennomføring av fjernmøte
Oppdatert reglement for kommunestyret.

Saksutgreiing:

Bakgrunn

I vår fastsette kommunal- og moderniseringsdepartementet ei mellombels forskrift om gjennomføring av politiske møte som fjernmøte. Denne forskrifta gjeld ikkje etter 01.08.20.

I kommunelova § 11-7 står det følgjande:

§ 11-7.Fjernmøter

Kommunestyret og fylkestinget kan selv beslutte at folkevalgte organer i kommunen eller fylkeskommunen skal ha adgang til å holde møter som fjernmøte.

Fjernmøte innebærer at deltakerne ikke sitter i samme lokale, men at de via tekniske hjelpemidler likevel kan se, høre og kommunisere med hverandre. Kravene som ellers gjelder for møter, gjelder også for fjernmøter.

Et møte som skal lukkes etter § 11-5 andre ledd, kan ikke holdes som fjernmøte.

Departementet kan gi forskrift om krav til gjennomføring av fjernmøter, unntak fra kravet i andre ledd om at møtedeltakerne skal se hverandre og unntak fra tredje ledd.

Vurdering

Denne hausten og vidare kan det kome situasjonar der det på grunn av smittevern ved lokale smitteutbrot eller andre akutte situasjonar er naudsynt å gjennomføre politiske møte som fjernmøte t.d. via Teams. Om det skal vere mogleg, må kommunestyret ha bestemt det i eit reglement eller vedtak på førehand.

Rådmannen føreslår difor eit tillegg til det nyleg vedtekne «Reglement for kommunestyret» som opnar opp for at ordførar kan kalle inn til fjernmøte i staden for vanleg møte, når ordførar finn det naudsynt og innafor dei rammene som lova gjev. Me føreslår at det gjeld alle møte for folkevalde,

også kontrollutval, eldreråd, formannskap osb.

Folkehelse – kan vere eit viktig smitteverntiltak

Miljø – ikkje aktuelt

Økonomi – ikkje aktuell problemstilling no, men kan verte om ein ønskjer å kjøpe streamingløyisingar.

Konklusjon

Rådmannen føreslår eit tillegg til reglement for kommunestyret for å kunne gjennomføre politiske møte som fjernmøte ved behov.

Forslag til vedtak:

Nytt punkt i «Reglement for kommunestyre» pkt. 28 Fjernmøte:

Alle politiske møte kan gjennomførast som fjernmøte innafor rammene av kommunelova § 11-7.

Ordførar avgjer når eit møte skal gjennomførast som fjernmøte.

Formannskapet - 070/20

F - behandling:

F - vedtak:

Nytt punkt i «Reglement for kommunestyre» pkt. 28 Fjernmøte:

Alle politiske møte kan gjennomførast som fjernmøte innafor rammene av kommunelova § 11-7.

Ordførar avgjer når eit møte skal gjennomførast som fjernmøte.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033, FE-630	20/385

Saksnr	Utval	Type	Dato
071/20	Formannskapet	PS	01.09.2020
	Kommunestyret	PS	

Direktesending av politiske møte i Fedje kommune Streaming av formannskap- og kommunestyremøte

Vedlegg:

Tilbud Kommune-TV
18935 Tilbud (1)

Saksutgreiing:

Bakgrunn

På eit spørsmål under eventuelt i kommunestyremøtet 12.03.20, svarte rådmannen at han kunne levere ei sak på streaming (direktesending på nettsidene) av formannskap- og kommunestyremøte (K-sak 17/20).

Våren 2020 var det ikkje mogleg å halde politiske møte på vanleg måte med oppmøte på grunn av smittevernstiltak knytt til Covid-19. Nokre politiske møte vart halde ved hjelp av Microsoft Teams, men Teams hadde då ikkje funksjonalitet til direktesende møta ope, verken i sanntid eller i etterkant som opptak. Det var mogleg for publikum og presse å ta del i møtet, men dei måtte då delta som «stumme» deltakarar. Eit par innbyggjarar valde å gjere det.

Det finns ein funksjonalitet som lar ein sende direkte frå Teams ope for alle («live-event»), men det er slik organisert at det passar best for presentasjonar, ikkje for møte med dialog og avstemming.

Ein del kommunar sender direkte frå kommunestyremøta på sine heimesider, og gjorde det også då dei hadde fjernmøte via Zoom, Teams eller Facetime. Så langt det har vore mogleg å finne ut, nyttar alle desse løysinga «Kommune-TV» frå Aventura (<https://www.aventia.no/kommunetv>). Denne løysinga kan både sende direkte frå vanlege møte som vert halde i eit fast rom, og fjernmøte via digitale plattformer.

Me har bede Aventura om ei første skisse og prisoverslag, som ligg vedlagt. Prisen ser ut til å vere ca. 150 000 kr for installasjon første år, så ca. 20 000 kr + mva i drift kvart år etter det, samt support og vedlikehald av utstyr (alle prisar er + mva):

Teams streaming	ca. 70 000 kr
Fysisk utstyr	ca. 20 000 kr
Årleg drift	ca. 20 000 kr
Integrasjon Acos	ca. 20 000 kr (ikkje innhenta tilbod, overslag)
<u>Lydutstyr</u>	<u>ca. 20 000 kr (ikkje innhenta tilbod, overslag)</u>
Sum første år	ca. 150 000 kr

Teams er eit verktøy som er ein del av Office 365-pakka, som alle i Fedje kommune og IKT Nordhordland allereie nyttar. Det skjer stadig utvikling og utbetring av Teams, og IKTNH ved Gørn

Espeland (som har hovudansvar for Teams i IKTNH) sa før sommaren at Teams også jobbar med ei løysing for direktesending av møte, og ikkje berre «live-event». Viss dei får til ei slik løysing, vil det truleg løyse tilgang til fjernmøte for publikum og presse, men vil ikkje gje direktesending av vanlege møte.

Vurdering

Den store utfordringa med direktesending av politiske møte er først og fremst lyd, ikkje bilde.

Spørsmålet vert om me skal jobbe vidare med å få til tekniske løysingar for direktesending av politiske møte sjølv om kostnaden og inngangsbilletten no i dag verkar relativt høg, eller om me skal avvente noko og sjå om Microsoft kjem opp med billigare/gratis løysingar innafor Officeplattforma når det gjeld fjernmøte. Samstundes kan me teste ut om det er mogleg å få til ei enkel og billeg lokal løysing. Det vil i så fall kunne direktesende frå vanlege møte, men ikkje fjernmøte.

Rådmannen rår til å vente med innkjøp i denne saka. I dag verkar det å vere berre ein leverandør og dyre prisar, men den teknologiske utviklinga går spesielt fort på dette området no. Sidan me er ein liten kommune med korte avstandar som klarar å halde møte opne for publikum og presse også under fjernmøte, er dette etter rådmannen si vurdering ikkje ei akutt sak.

Om politikarane likevel ønskjer å gå vidare med denne saka no, vil rådmannen forsøke å finne rom for det på budsjettet for 2021.

Folkehelse – kan vere viktig smitteverntiltak

Miljø – ikkje aktuelt

Økonomi – medfører truleg ei investering på ca. kr 150 000

Konklusjon

Rådmannen rår til å vente med saka til det kjem billigare løysingar.

Forslag til vedtak:

Fedje kommune ønskjer å få på plass direktesending av formannskaps- og kommunestyremøte, men avventer førebels innkjøp av ny teknologi til det kjem billigare løysingar.

Formannskapet - 071/20

F - behandling:

Felles tilleggsframlegg: Kommunestyret ønskjer å prøve ut lokale tekniske løysingar.

F - vedtak:

Fedje kommune ønskjer å få på plass direktesending av formannskaps- og kommunestyremøte, men avventer førebels innkjøp av ny teknologi til det kjem billigare løysingar. Kommunestyret ønskjer å prøve ut lokale tekniske løysingar.

Samrøystes vedteke.

Sakspapir

Sakshandsamar	Arkiv	ArkivsakID
Dagrun Gunnarson	FE-033	20/380

Saksnr	Utval	Type	Dato
072/20	Formannskapet	PS	01.09.2020

Eventuelt formannskapet 01.09.20

Saksutgreiing:

Forslag til vedtak:

Formannskapet - 072/20

F - behandling:

Hans Erik Waage (Ap): Spørsmål om luktproblem frå avfall frå Feddie Distillery på tomta til Kjell Samnøy. Formannskapet ber rådmannen sjå på saka og ha ein dialog med eigar. Samrøystes vedteke.

Kamilla Karlsen (Ap): Spørsmål om Fedje kommune har lærlingar no. Rådmannen v/personalsjef svarte at me lyste ut saman med opplæringskontoret i vår, men fekk ingen aktuelle søkjarar.

Silje Gullaksen (H): Fedje Høgre ynskjer att ein ser på situasjonen kring bosset på ferjekaien.

Rådmannen svarte at dette er eit kjent problem som vert jobba med. Gullaksen spurte om mogleg å vurdere anna plassering.

Otto-Andre Nordby (H): Bør kommunen vurdere å ta i mot nye flyktningar? Ordførar svarte at me ikkje har gjeldande vedtak om mottak av flyktningar. Rådmannen svarte at har vurdert, men krev politisk vedtak og behov for busetjing av flyktningar. Ordførar følgjer saka opp vidare.

Kamilla Karlsen (Ap): Krevjande med svært store møteinnkallingar - mogleg å få innkalling to veker før formannskapsmøte? Rådmannen sa at det i så fall vil ha ein del konsekvenser.

F - vedtak:

Luktproblem frå avfall frå Feddie Distillery på tomta til Kjell Samnøy. Formannskapet ber rådmannen sjå på saka og ha ein dialog med eigar.

Samrøystes vedteke.